

上林縣志

伍拾卷

詩詩藝

錄類文

部

金文下

石錄

# 上林縣志



發行處廣西上林縣圖書館  
每部定價大洋 元 角

上林縣志卷之十五

武緣黃誠沅雲生編纂

藝文部下

詩類 古體詩

近體詩

賦

八景詩附

文錄

詩錄

金石

古體詩

詠六合堅固大宅頌

唐 韋敬辦

派瀆縱橫越□□去來間千岑□□絕三峽□□□無□猶求跨郡□□能觀若固於茲□永世保無殘

上林吏隱歌

明上林知縣連江王一岳 鎮甫

五嶺由來災瘴方上林之地更幽僻雨霰冥濛埽不開四壁寒蛩聲唧唧蕭條茅屋兩三間竹樹煙邨五六七層巒疊翠矗青霄雲往雲來蔽白日參天老樹虬龍蟠澗裡玄猿悲月夕山中野老不記年只看山花為歲歷婦持筐篚夫鋤犁南畝東墟各努力陌頭春色歲華新男女行歌兩拋擲蓬頭跣足去來忙猛獍持戈當路側我挽江

上林縣志卷之十五

一

廣州市龍藏街西雅印

流洗瘴氛拔劍指天山破裂千厓豺虎永潛消盡掃蠻塵歸統一昔時射策謁金門鵬運九天搏兩翼誰知塌羽落大荒駑馬只堪充下櫪遙瞻溪表紫流霞粵鄙微軀抱忠赤公餘閒暇碧槐亭笑領清風臥松石有時後圃看奴鋤籬菊池蓮隨意植忽聽林間野鳥鳴透迤小徑蒼苔溼舉頭閩嶠白雲橫鵲鴿原頭胡寂寂縱有蘭芽階下生奚如綵舞堂前廣我歌吏隱且奈何長嘯一聲天地碧

題上林春色卷

明 關與張

謹案羅嘉字集雲湖南衡陽人嘉靖四十七年任上林知縣隆慶三年去職作有上林春色長卷

上林邑勝如何上有大明萬仞之高山下有澄江一帶之清波遊人不敢涉飛鳥不能過古樹參天不知數但見白雲終日護蒼蘿思鄰八角環其後古淥鏤鄒列其前縣治屹然當中央層巒怪壁鬱嵯峩衡陽有臥龍十年在隆中一朝祥雲集扶搖直上太清宮上帝命爾龍乘雲下九重簸擊滄溟十萬里復挽三湘洞庭之湖水南踰五嶺入蒼梧遙望上林而至上林久旱望甘霖甘霖不至民何心雲一起兮枯植活雲再起兮龍長吟雲三起兮四郊足雲四起兮膏澤深轟雷聚石颺颺奔洪岸高瀧瀉飛湍和風鼓處庭花茂甘雨來時經草春春色偏饒上林宛野老行過粵水濱雨師風伯安其位勾芒上天告上帝上帝謂龍功不細余將命爾遊天庭坐令四海沾天

惠

題上林春色卷

王一岳

神龍駕馭扶桑曉一掬陽和噓四海上炎州紫瘴消上林春色增多少琪花瑤草鬪嬋娟美獸珍禽侈品藻  
衢擊壤樂陶陶鼓篋鳴絃春皞皞或從水底鋤青雲或向星前犁七寶或橫短笛牛背吹或携卮酒花邊倒千家  
似入華胥國八里如登蓬丈島憑誰剩得此春光都道縣官殊絕好刑輕賦省法不苛訟息年豐吏不噪五年幸  
有生民樂今日歡迎春夢擣吁嗟負此安樂鄉恨我當年來不早世間何處覓龔黃五嶺從今歌洞獠玉屏此日  
姓名題餘蔭千年天地老慙侍山斗自支頤幸與驕驕同一阜新詩幾欲鳴盛美才乏相如殊草草

當辦

清拔貢  
縣人石夢麟振公

前人憂無田買田貽孫子誰料子孫時田多卻爲累丁糧米一石征役逾倍徒昔輸十餘金今輸百不止又况餉  
夫征按糧復按里又况賦驛爲鴛鴦亦絕市悍吏目捉人騷動無寧晷有田不及耕有苗不能籽棄田去逃生輸  
納委隣士士也何能爲權時爲料理歲入不供出拋荒亦遷徒挈家入山中種芋供甘旨辛苦兩載餘其氛猶未  
已登高望故鄉盈疇草靡靡

上林縣志卷之十五

二

廣州市龍藏街西雅印

留仙村雜詠六首

張鵬展

衆流環一村陂塘湛清泚勝地如蓮花古寺踞其麓居人數百家村萼相因倚綠檐互映帶照影明鏡裡午夜鳴  
寒鍾月華滿井里深巷聞驅牛書聲斷續起婉轉和鈞天餘音渡雲水斯時會心人悠悠悟太始何必訪桃源境  
靜俗自美蓮花寺鐘

溪漫諸塘合天水淡融融軒然孩樹圓茲阜宛在中托形既渺小淳涵入洪濛東嶺明晨霞葉隨波玲瓏面面渾  
不隔翠彩凌虛空人從鏡裏來萬象羅天工潛窺飛鳥影俯察行雲蹤寸心與物態悠悠符昭融卽此悟生理元  
宰何由窮璃霞日出

蒼蒼十數松落落三五石蕭洒饒奇趣云是仙人跡清風颯然至疑聞鶴背笛偶來揮塵坐六月失災赫徘徊不  
能去悵望還山客購宅擬結隣相距僅咫尺良時恣獨往徒倚遙天碧迪麓

中塘三十里遙峯紛在矚左右趨羣龍飛泉爭漱玉一溪滙青冥大廟峽微束徑流下芳甸到此始一曲佇想雲  
深處泉脉神所劘出山靄餘清中涵太古綠幽鳥自矜寵晴羽晴更浴對斯合濯纓倏然期遠俗先祖舊題詠  
蝕尙堪錄細誦風滿林砭骨散災溲會當守貞素毋貽寒奚辱小蓬來

四圍山色稠萬松翁寒翠就中一峯低絕頂孤亭置憶昔避俗翁於此適閒邃長吟亂清濤冷冷恣高寄去今垂百年溪風自鼓吹日出霧露餘兔絲炫靈異昨感夢中言苓香猶可餌盍言安蹇劣茲爲養醴粹松亭孤村橫練影清江帶其肘決渠引澄波勢迴東北走茲坡扼厥衝卓立如覆斗相傳實產金是爲水之母至今明砂畔英氣孕育久往往如飛螢夜光生黑黝遠望時復然尋之了無取真精溢奇彩若遣神爲守感斯三歎息懷寶慎所有金斗

白雲洞懷古

清梧州府  
教授縣人張鵬超 敬亭

晦翁論求仙長生亦有私私固不可求順天乃公之卓哉韋先生頤壽有宋時胸中羅二酉弗茹九莖芝公卿不能見楷模爲世師上壽百二十先生過其期至今留白雲悵望想風儀修短亦何常德徽有餘思不然千百載猶同木石姿安令王無功贊詞垂鼎彝

周安鎮妖鵝石歌

石有二一在山巔一在  
邕呼邨背距鎮二里許

清宜山教  
諭縣人李維埏 維亭

兩石踞起山之阿屹立相向何嵯峨厥狀非獅亦非象伸頭斂翼如生鵝或言逸少書黃庭道士取贈畫一窠籠回道上佚其二西飛徑從象郡過至此幻化爲巨石歷時久遠成妖魔雌雄相去數十丈鳴聲相應聞者多每乘昏夜雙雙出蹂躪田畝傷嘉禾百里內外數受害五穀不熟民洊瘡田祖有神未驅逐農夫痛恨無如何連日鄉人始聚議誓殄妖孽休蹉跎倩數石土帶椎鑿雄鵝鏗削歸消磨邨人護鷓不肯鏹 因在居  
民屋後亦應孤立同么麼物怪既除民樂業從此可譜豐年歌確聞邊陲有是事聊爲紀異非傳譌

捕蝗行

咸豐三年六月

周世德

礮聲霹靂飛長空熒熒烈焰漫山紅壯夫出沒煙影裡揚旂擊鼓當先鋒喧嚷渾疑賊復到 賊匪自本年五月  
八境騷擾三次制梃洶洶出禦暴豈知入境有飛蝗踴躍捕之如捕盜前日盜賊來盈千傾囊倒篋無餘錢今日蝗蟲來累萬傷禾害稼無完田始信蝗蟲卽盜賊曷怪名曰螿螿其去如雨來如風百里青疇摧頃刻吾儕何罪頻罹殃前遭盜賊今遭蝗盜賊一捕尙退避蝗蟲屢捕仍披猖捕賊一家只一口惟有捕蝗累童叟捕賊應募只丁男惟有捕蝗及子婦嗟嗟捕賊不力殃一身捕蝗不盡殃四鄰安得西風捲寒雨霎時消滅隨煙塵獨不見二十年前歲癸巳蝗蟲自抱荆棘死害人到底遭天誅盜賊紛紛請視此

度雕瓦隘

周世德

策杖入亂山山色明媚一望極袤延四圍鎖蒼翠突兀攢僧頭槎枒撐鬼實徑仄羊腸穿穴深虎口哆百尺懸

階梯拾級仰而企山鳥亦忘機見人了不避導我上層岡頑石何纍纍誰歟築崇關扼險嚴邊備山半新築一關伏題曰鳳化西關  
念我聖朝仁風久漸被此地雖僻陋民風尙純粹三時勤耕鑿四境息烽燧慨自么麼興邊疆日多事遂使安樂  
郊頓成戰爭地一旦盡人力千秋占地利危堞蒼藤纏重門白雲闕路惟通一線勢堪卻萬騎我來值春初雨息  
雲猶漬苔莓滑如脂舉步防顛躓振袂一長嘯山風颯然至樹枝相摩戛林葉競紛墜尙疑叢箐間揭竿伏醜類  
僕夫咸倉皇我心無驚悸赫赫日當中敢復遊鬼魅小憩坐花陰晴空看蝶戲

三寶山

周世德

三峰羅列撐天綠屹立塵寰類鼎足天工妙手真空雲片削出無雷同位置參差鬱相向朗曆軒眉各異狀初  
疑滄海以外三神仙隨波浮蕩來人間又疑江郎峰頭三巨石五丁携之向空擲一峰層疊如浮圖一峰礪礪如  
酒壺一峰攢簇雄且秀渾如陸地開芙蓉我來剛值新雨後倏忽陰陽變狀候頑雲滿地撥不開咫尺難分巖與  
岫一聲長嘯風冷冷雲收露出遙天青策杖過關重回首三峯依舊立亭亭此處有三寶關因山得名

望大明山

清湘潭 張家樞

巍峩大明山磅礴雄且秀橫撐半壁天卓立五峰茂其餘湧層疊戢香互騰湊有如武帳開將士羅介冑又如明  
堂啓官僚趨前後儼然若峨冠翩然若舞袖或若旗鼓陳或如鐘鼎覆或虎負隅蹲或龍蹠空鬪或怒熊咆哮或  
駿馬馳驟合選雖具窮極目苦眩矜但覺石氣蒸百道泉奔溜瘴雲滄紫黑怪石錯昏晝群青合濛濛不辨巖與  
岫鬱律長風生表裡吹洞透脉縷劃然分峭壁割碎繡嵐光靄晴空太古色不漱陰陽無定態倏忽變狀候頗聞  
絕頂上潭深杳難究有時吐異光萬丈陵宇宙寶殿隱微茫鸞鶴群飛簞僊梵時一聞鏗然韶鈞奏心神忽搖搖  
恍恍脫塵垢前年沂湘流祝融遇邂逅七二青芙蓉顧盼勞勁脰茲山奇不讓胡爲置僻陋洞天缺圖經佐命名  
莫授騷客與遊人千載嗟罕覩千古蠻氛侵靈境誰雕鏤我欲端倪詳周諮盡誼譎毋乃造物意珍秘葆精祐對  
之一長嘯面目驚相就惜無謫仙才難爲山靈壽浩歌黽勉訓堆盤嫌釘釘何當陟椒巔顛氣胸中收

大明山

清雲南知府武緣黃君鉅丹崖

萬丈穹窿跨絕城武緣西南上林北縣亘百里扼崑崙關名控制九土聳削劣九土司也君不見疊翠嵯峩雲一帶三日成  
霖雨無外鑛鄣飛出兩白龍奔注鳳山細流會盈盈十里歸渡頭雙江綺合共悠悠遠送行舟出思武東下南海  
歷滄洲又不見浙人青箬綠簑富薯芋短柄長鑣勤發慮種或香蕈生息蕃聚族結廬不歸去山花如雲紅似火  
山鳥畫眉聲瑣瑣捫參歷井越澗過時逐猿猱拾墜果東峯晴明西峯雨樵子深入白雲鄔伐木丁丁不見人忽

聞樹巔雞報午郁郁紛紛蒼翠浮常有仙人絕頂遊崖前松偃石枰暗山上有石棋枰遐心空谷彌深幽南松歸老愛登陟嶠西詩成賸餘墨先生著有嶠西詩鈔我亦小隱隱山林形容不盡遙相憶

右計詩十八首

近體詩

鑛鄒關

宋知邕陶弼商翁

三任邊州六往還此時又度鑛鄒關訪僧莫道無閒事手指青天口說山

白雲洞

明吏部尙書華亭錢溥原溥

野外尋僊迹雲封古洞幽碧桃時在潤瑤草不知秋道路通三島煙霞占一丘有無誰可必明月自悠悠

鑛鄒山

明臨安府推官豐城江魚

寶劍當年已化龍青山留得削芙蓉潤涵海氣時雲雨突起峯巒逼太空南峙亦爲天子鏢東來宜匹丈人峯要知此地生豪傑盡是英靈氣所鍾

鑛鄒山

明戶部員外郎武緣李璧白夫

上林縣志卷之十五

五 廣州市龍藏街西雅印

仙人佩得鑛鄒還誤落飛泉第一灣三尺何年化龍去空留萬丈鑛鄒山

平八寨作

明兩廣都御史新建伯餘姚王守仁伯安

已說韓公破此蠻貔貅十萬騎連山而今止用三千卒遂爾收功一月間豈是人謀能妙算幸逢天助及師還窮搜極討非長計須有恩威化梗頑

才看干羽格苗夷忽見風雷起戰旗六月徂征非得已一方流毒已多時遷寶玉石分雖早柳慶雲霓怨莫遲嗟爾有司懲既往好將恩信撫遺黎

千軍鎮題壁

明思恩參將九谿李應祥仁宇

白雲橫江岸青霞掛薜蘿勝遊今此地疇昔恰如何

萬曆丙辰六月出師征交次思隴驛

明思恩參將鳳陽趙庭淇竹

六月炎蒸汗若流軍書重下赴邊州鑾旗□□驚飛隼驛路迢迢控遠驪隴樹千尋嵐氣合谿山百折□烟浮崑崙南望陳蹟在好縛名酋飲□頭

鑛鄒關楚望

明中書舍人南海鄺露湛若

九嶷如黛楚烟分水錄三湘雁倒聞春曉玉臺開岳雪月明銀殿鬱卿雲翠華想像湘君竹龍御迢遙帝子墳何處匏笙將鳳曲至今猶似詠南薰

銀殿山千峯造天出雲氣狀如宮室下多巢民卉衣本食吹匏笙自言虞帝之裔 謹案銀殿山即今銀屏山在縣城南半屬武緣巢民土著稱之爲山子

### 咏莊後小蓬萊亭

清慶遠府教授縣人張友朱麓旺

村邊亭子對山開峻石奇峯拂面來江上烟霞供捲幔林間風滿久銜杯幽泉滴瀝當階響綠樹籠葱附岸栽一望囂塵全脫盡悠然心跡在蓬萊

### 環江樓

謹案巷賢大廟亦名環江廟舊時廟中有樓

張友朱

巍巍高閣峙中流如帶長江檻外浮四面輕嵐無遠近一灣逝水自春秋平沙響處琴中雁接翼飛來鏡裡鷗好景山陰看不盡淵然長此與心謀

### 茶軒

在松亭山

清本縣貢生譚龍德學山

一軒亭畔古位置各區分松翠寒依灶爐煙澹入雲衰年原少睡留客把清芬飲罷看周易倏然對晚暉

### 大明山

清諸生武緣黃文燭宏著

巍然雄峙鎮甌駱巖壑玲瓏列畫屏氣接靈犀一溪綠光分起鳳兩峯青劍江雲冕橋臨午泉水烟晴字現丁信

上林縣志卷之十五

六

廣州市龍藏街西雅印

是鑊鄒方落影化龍飛去入南溟

### 送馬邑侯世煥

清恭城教諭縣人張溫玉峯

一去千萬里甘棠遺愛深心公民自悅道直衆相親昔已歌來暮今成送遠人不堪琴鶴杳父老一沾巾

### 大明山遇雨

清翰林院編修武緣劉定道靈溪

策蹇鑊鄒山半行亂雲急雨一時生風聲度澗喧林麓嵐氣浮空結化城新水頻添舊水濁午烟不斷晚烟迎眼中一片迷離景好與維摩寄遠情

### 滙水橋懷古

清三里營都司馬平成奕山

郭外沙隄接隴雲秋光更在隔橋分斜陽古道行人少歸釣漁磯笑語聞書劍縈懷空自慨石泉何處問同群臨流無限追前事野戍清平憶李君

### 鑊鄒關

張鵬展

一道透迤萬仞山翠微深處鑊鄒關陶公新句無尋處遺夢空留野鶴閒

陶弼詩昨夜書中得新句夢魂飛入鑊鄒關

謹案此詩徐縣志無尋處作無從覓空留野鶴閒作空隨野鶴還茲從穀貽堂集



豬頭山

在上林縣西北二十里

張鵬展

下豐上銳削成危岬立天然肖象奇最喜月明僊梵過似隨牧者聽經時

大明山巔有三寶殿時聞僊梵

夏日過章光隘題壁

清平樂縣教諭縣人韋懷瑾駟門

欹危乍度碧峯巔俯視層淵轉慄然深谷別開新水國巖關猶鎖古山川雲烟繚繞東西嶺魚鳥升沉上下天一線遙通盤古路行人同駐蓼磯邊

老屋三間踞上頭嵌空聳出寺門幽香焚石鼎殘灰冷蛛網花龕古佛留地偈濃遮雙樹影窓虛涼納一天秋紅埃不向苔堦染久坐渾忘白日悠

江流屈曲抱山來萬斛晴波聚岸隈噴沫冷疑飛雪洒奔濤響帶疾風催幾重村靄開還闔一葉漁舟去復迴可是瀛洲同此景寰中塵念已全灰

往來一度一登臨猶是江湖舊日心撥草緩從簷隙步攜筇孤倚樹根吟千聲爽籟消炎暑萬里清流閱古今却喜洲前鷗鷺靜忘機我亦意同深

祝南崧師壽 並序

清四川知縣武緣 韋天寶 網齋

上林縣志卷之十五

七

廣州市龍藏街西雅印

南崧先生為天寶受業師其里居世德及生平志事居官大畧天寶以從游日久故知之最詳乙卯九月三十日為先生六十壽辰凡前後及門之士皆欲製錦稱觴先生以祝壽為近世濫套亟諭不可然天寶惟先生雖行不求飾而以親炙之久如天寶者終不可以無言特言無過寔不敢以累先生盛德云爾

大明山有色佳氣鬱東峯眾派南屏別迴巒北向通採風如太古掄秀少前蹤詎識留仙地鍾奇曠世逢

先生居上林巷賢鄉

留仙村

世德綿延久熙朝秉鐸隆詩書傳舊業忠孝振家風掛印官何戀交章志自崇低徊談逸事模範有誰同

先生累世官廣文曾

祖拒吳三桂僞命掛印而去祖慶遠教授俸滿決意遂初太守印公光任以孝廉方正力薦不就方伯責印不先示意致事成兩歧中丞為解曰印守應舉而舉不先示意見其公張教授舉而不就其志亦各成其高也

崛起昭明德貧來守一經寒氈餘世澤荒草踏山青師友見兄弟帷囊半雪螢簪纓方接踵願與述前型

先生兄弟力學自相

師友拮据奉養太夫人若讀不輟

一捷南宮報官階淡泊中秘書鴻藻富清夢鶴琴通獨恥澄清拙常羞仕宦工聖明方在御未許慮途窮

先生耿介自守嘗題

趙清獻焚香圖有平生琴鶴迹獨夜枕衾前之句蓋實錄也又每言君恩高厚吾以書生見用報稱殊難常思引退

六詔衡材日星輶悵往還官尊看役賤賦重覺民頑報國詞章陋求人利澤艱九重書欲達循分愧曹閒

壬子先生典試滇南

沿途見民夫應役甚苦細詢利弊每欲上書陳言為職所限嘉慶四年改官御史詠陳時務八款於塘夫採買二事言之尤切

懈豸官常肅蘭臺舊有名直臣褒語重忠悃致身輕拯溺籌方急焚香入夜清孤懷還耿耿孰與訂前盟先生官御史時遇事

敢言上嘉其直值南水災奉命往賑不辭勞瘁日夜籌畫凡活數萬人常言居官必思於物有濟遇事惟求此心所安

滾滾洪流急傷懷既倒瀾膠痒虛養士廊廟苦求官書上千言易操持畢世難沈吟披奏草達旦思無端先生官光祿寺卿上

正人心疏凡三千餘言詠論民風土風仕風之變大旨歸於崇實黜浮守正躬行以為本

齊魯多文學持衡繼采風文章標重價報國勵孤忠士習分清濁臣門慎始終蒼生方屬望何計數雕蟲先生視學山左持正

不阿人有議為沽名者則曰吾以書生見用至此為上耳目每事懼負國恩何恤人言第盡吾之所得為耳

萬卷書猶少龍威擁百城論文思正始考道驗生平晚節松彌茂寒香菊倍清卅年朝市迹史冊付公評

### 明山疊翠

清柳城教諭武緣蘇大中 正齋

乾坤浩氣結嶙峋屏障西陲勢莫倫高聳千尋侵碧落橫盤百里控邕賓何時寶劍成龍去自昔金沙出水頻莫

負年年崇祀意蒸雲釀雨好耕春山有神祠

### 黃和東去任時地方贈詩

金華士民

上林縣志卷之十五

八

廣州市龍藏街西雅印

已見長楊賦畢工綰符恰喜值文翁無雙才子推江夏第一循聲數浙東此地舊留鄒魯澤於今新沐黍棠風尋

常八詠灘頭水流作恩波便不同

### 過大明山

清貢生武緣黃文寵 菊圃

蒼翠疊嵯峨人從澗谷過野花含笑滿山鳥畫眉多竹樹高空見雲霞峻嶺拖鎬鄒千萬仞不傍劍溪磨

### 春日登大明山

清夾江知縣武緣梁生桂 月秋

又作登臨計花香二月天千峯雲鬣隸萬澗水淙潺林邃惟聞鶴山高何處仙誰傳鎬鄒事撫景一留連

### 大明山

清貢生武緣黃維圻 厚齋

不與衆山羣屏藩縣界分瀑飛天半雨樹擁日邊雲虎跡樵夫見猿啼過客聞延袤不計里橫亘霧紛紛

### 上林勸農

清思恩知府侯官李彥章 蘭卿

年年行部未曾經今日雙旌得暫停到處爭觀香案吏親民仍似百花亭慶遠府百花亭 余嘗勸農於此

澄江蓄水通渠廣晚稻將稔待雨馨天遣周巡三百里明山迎我幾回青

### 題銅鼓山石公隱居處

石公來賓人寄居三里相傳雍正間土寇猖獗公集丁壯搗平其巢事後隱居銅鼓山卒年八十餘土人即其所居巖洞立主祀之

李維墉

仗劍建奇功平蠻胆氣雄一方資保障百族荷旃幪名利心偏淡山林樂不窮赤松遊繼跡千古仰高風  
久蓄修真志全忘靖亂功幽巖棲羽客靈藥採芹翁德澤留遺遠鄉閭尸祝同歲時蘋藻薦酬報應無窮

鹿壽山

李維墉

吾鄉山水佳氣象嫌奔放長岡列東方天然作屏障

里墟米江村韋某至寓邀到彼處避亂

李維墉

跋涉來相訪深憐漂泊人逶迤忘道遠繾綣見情真漫說江河下還聞風俗淳樂郊邀我去敦促駕征輪

弔覃潤堂茂才德敷

李維墉

洶洶幾隊長毛狗競圍昃嶺村前後逢人輒殺哭聲多禍及黃童與皓叟焚燒屋宇烟蔽空安得神仙嘖以酒突  
如其來未及防許多丁壯皆束手仗義鄰團急救應揮戈挺刃戮羣醜村人死者爲塵泥生者皇皇各逃生君家  
老幻十餘人竊幸保全免虎口可憐僅存身上衣家中財物歸烏有即今落魄在他鄉鬱抑苦衷難盡剖吁嗟天  
心甚仁愛無那數窮丁陽九無辜善類罹殃殃搔首望天天應否君能修德天終憐目前之事且忍受

南江前後草木稀少

李維墉

瘠土生幾息平原一望空木難看蔽日草漫說從風載斧無樵客揮鞭乏牧童不毛沙漠地孰意此間同

贈楊鎡伯培基

鎡伯楊厚山明府仲弟也厚山遇害後流落北更團寄食於邱楷之藍登芳諸家

一身落魄寄人家客舍淒涼重嘆嗟回首江南數千里夢魂幾度到天涯  
滿腹詩書腹苦饑故家子弟等寒微若無好義高人在定到西山采蕨薇  
飄零異地不勝悲寒夜殘燈獨坐時伯氏大仇何日報渺茫難定是歸期  
相見翻嫌相識遲盤桓幾度話襟期亂離客路羞空乏不贈囊金僅贈詩

郊行卽事

李維墉

漫偕野老共閒游澹沱春光滿眼浮偶過花村頻徙倚每逢酒店即勾留時危關塞風塵少地僻山川景物幽旅  
客縈懷唯骨月暫憑吟眺解離憂

寄東蘭學博羅連城

李維墉

忽忽分袂已多年時詠停雲思悄然君坐檀堂思化雨我游鳳化帳蠻烟他鄉靜謐民安樂時東蘭無盜故里摧殘局

變遷料想聞來增感慨不堪回首望南天

尚中雜詠

李維墉

白雲深處有居人僻地謀生欲療貧素處不須慮孤寂青山四面即芳鄰

居民多不成村落只有兩三家或一家者

種植勤勞婦子俱不教寸土致荒蕪一家衣食粗能給絕少催租吏叫呼

凡山坡石罅皆盡種雜糧

此中風景似桃源俗尚敦龐古道存間有莠民干法紀百千一二不須論

耕田鑿井種桑麻窮巷蕭然百姓家四禮行時多質朴迴殊豪族競奢華

勤儉有唐魏風

良民誰肯此心虧况復山中路險巖自古未聞被兵燹月明闌戶熟眠時

良善者多少作賊者且道路艱險外匪亦難以入

畫爾于茅夜索絢幽民治屋一何勞茅龍歲歲衣更換屋等幽歧結構牢

所住多茅屋其用瓦者十僅二三耳

周安竹枝詞

李維墉

峒裏從來乏水田雜糧先後種山邊南瓜苞粟家家有八口還堪度歲年

傍崖築室聳嶙嶒板架區分上下層置畜栖人稱兩便經營結構擅殊能

少年射獵碧山隈日暮紛攜野獸回廚下烹調供飲饌謹呼明月照殘杯

上林縣志卷之十五

一〇

廣州市龍藏街西雅印

鄉里紛紛雀鼠爭共求團局判分明入門先餽茶偕酒酬謝錢看事重輕

馬鬣崇封漫擬遷講求風水客紛然可憐古墓無碑碣滿眼蓬蒿誰氏阡

不事詩書歲月過喜偕少婦唱山歌牧猪奴好擣蒲戲嗜吸洋烟日益多

少女勤勞習婦工織成土錦綠兼紅于歸裁作合歡被文采鴛鴦燦室中

夢紹堂

李維墉

寂寞燈殘月落時匡牀輾轉繫懷思忽看冠劍來倉卒共立庭階訴別離暢叙幽情歡把酒掃除舊說細論詩碎

甸野寺鐘聲動驚醒愁人淚暗滋

送獵戶從軍剿李錦貴

李維墉

慣射鷹鷂搏虎狼武夫糾糾氛非常而今境內多禽獸好向東關獵一場

庚戌紀事

清舉人周建勳廣堂縣人

折衝不事事彌縫滿眼瘡痍孰養癰

彼時當道諱言盜賊致粵西無一完好地

拔劍有心嗤俠氣請纓無路困書傭論兵此日思羊祜草

檄何人薦馬融班氏不須西域去如今函谷情丸封

極力勸團人防禦以待大兵

己未紀事

周建勳

從今奇字費疑猜萬卷書全付却灰陽羨買田空有地子陵釣水尙無臺妖興不減紅羊擾將出爭傳白馬來近  
日莊頭風景異柴門變作戟門開

韋邨六柵門稽查出入  
啓閉以時如城門之例

週遭十里五營頭備寇邨邨起戍樓豈有赤眉能濟事漫言白屋不封侯狼貪敢冀秦亡鹿雁集行看魯有鳩爲  
語鄉閭須努力如今率土盡同仇

寄萃雲堂弟

周建勳

異地迎春又饑春鶯花三月雨兼旬廿年作客仍無主萬里思家卽老親療病難逢方外士還鄉猶是夢中人年  
年菽水勞予季浪說馳驅曠此身  
匆匆行色出都門桑梓情深餞別樽未得龍吟稱國士却憐芳草識王孫無家仍欲彈長鈇有日終能射覆盆異  
地漫生歧路感羈人一飯亦君恩  
四十無聞愧不才五羊城畔且徘徊渾如久病腰圍減博得羣書眼界開撫我疲軀人漸老愛君孺慕性猶孩椿  
庭左右兼吾職何日連牀話別來

上林縣志卷之十五

一一

廣州市龍藏街西雅印

聞道江南尙用兵縈懷投筆展長纓未能遠畧綏戎敵贖有殘年答聖明多累却緣三事重無官敢謂一身輕窮  
途欲作歸來賦又恐偷閒髀肉生

賀李亮齋太夫子咸豐元年正月三日誕生玄孫五代同堂

周世德

家運欣值國運新石麟誕降應昌辰人膺樂事成三美天錫遐齡屆九旬含飴又輪孫作祖懸弧難得月逢寅瓊  
枝自是千霄樹先占皇州第一春

世德流光裕後昆蘭孫今喜茁蘭孫三多占却無雙福五代居然聚一門繞膝斑衣增鶴算充閭佳氣接鴻恩

前年公勅  
封修職郎 由來積善多餘慶仙李何疑大且蕃

上林縣義勇祠

張家楷

浩氣邊庭結澄江俗自醇野人知報國烈士奮殉身禦侮丹心壯摧鋒碧血新英靈時一聚慷慨樂成群  
已遂同仇志寧甘作國殤一朝肝膽烈千古姓名香氣鬱層雲紫魂歸落日黃中原誰將帥知爾恨茫茫

登黎口隘

清署上林縣  
知縣會稽 高作梅 沛軒

蒼翠重重路已迷，攔人怪石又高低。旋螺真覺雲生足，盤馬翻嫌草沒蹄。虎踞雄關空有劍，猿攀陡壁奈無梯。振衣忽動長風願，千仞岡頭步步躋。

千軍鎮

高作梅

夙裕征蠻略，登壇果策勳。當年平八寨，此地駐千軍。野曠岡巒繞，營連壁壘分。英風長不泯，佑我掃妖氛。

過羅墨渡

高作梅

駭浪滔滔下，奔流儼濁河。巖排作岸亂，石激成波風。急看飛鷁舟，輕比泛螺巨。川誰共濟作，楫望才多。

林陽雜事詩十六首

高作梅

携鋤不憚陡，遙岑荒地能。開見若心自是不，耕亦得果然。淺土抵黃金。

畚地從無一處平，草萊闢盡費經營。芋苗成芋豆盈莢，算是猛人白玉杭。右畚地

三日爲期處處同，墟場占得地衡從。人來恰比蚊成市，負米挑鹽日正中。

一墟纔罷一墟連，辛苦謀生肯息肩。笑我但賒風與月，看人評價選青錢。右趕墟

長筒排比一輪圓，旋轉波間善引泉。任是河身成九曲，也能流注到芳田。

上林縣志卷之十五

一二

廣州市龍藏街西雅印

潈洄一水碧，油油曉夜車聲響。不休閒卻桔槔林，下臥養禾不待汲。清流。右車水

祀事修明值令辰，社壇酒脯各紛陳。春天祈後秋來報，不比邨愚信鬼神。

作社無如社頭忙，粉榆濃淡散晴光。一方也仗神明佑，願爲蒼生祝瓣香。右作社

邨男邨女各成行，賭賽歌喉孰擅長。春到蠻鄉好行樂，大家連臂上高岡。

信口編成不在文，曼聲都欲邁行雲。就中亦有淒涼調，愁絕離人月下聞。右唱歌

都趁清明掃墓田，恐教牛跡上荒阡。白楊蕭瑟蒼苔滿，瞻拜墳前又一年。

山北山南野祭同，播閒吹徧紙錢風。故鄉邱壟知何似，回首先瑩落照中。右掃青

那勞結網與扳罾，養得鷓鴣各擅能。任是深淵魚吐墨，嗟來迅捷似饑鷹。

小舟三兩泛清波，笠簪分携獲利多。卻笑摸魚人太苦，錦鱗難得得青螺。右捕魚

辛苦犁鉏汽小休，花天駘宕野風柔。波心浴罷坡前臥，草足芳原縱爾遊。

晚風吹動角鳴鳴，一片斜陽識舊途。牧子驅來隨意跨，搖鞭穩似據鞍無。右牧牛

論詩絕句李廷柱附曾明鄧松羅辰一首

清思茅同  
知臨桂 廖鼎聲 金甫

功我徒老千夫長殘月朝雲得句來後有鄧曾能嗣響畫師亦是軼群才

謹案李廷柱北流人康熙時以軍功官至都司著有燕趙餘言叩角吟臨流集

論詩絕句張鵬展一首

廖鼎聲

遺緒難忘重嶠西半生辛苦遍搜稽君家感遇曲江曲擬古七篇應與齊

遊大明山

清諸生 武緣 黃鑾 子和

萬丈巍峨挿碧天登臨身在白雲邊俯看一切羣峯小千里江山在目前

聞將瓜代偶賦

清署上林縣 縣丞 祁陽 徐顯榮 錫臣

衡情酌理敢營私況是瘡痍滿眼時作吏無才慙治譜愛民矢志凜箴規游魚漫詡春光樂去雁猶留日後思囊橐空空無羨物祇收山水入新詩

泊藍甲渡

清貢生 武緣 劉乙照 蓮卿

黑雲堆絕壑驟雨帶濤翻激石波爭湧維舟浪欲吞艇移隣客擾篷漏柁師喧夜半茶烟冷鄉情孰共論

之賓州過思隴驛

黃君鉅

木后迢迢又木平人從分水嶺頭行枳花不辨東南客爭出牆邊傍客迎

羅墟竹枝詞

清貢生 縣人 梁作舟 玉川

香風吹暖白蘋汀士女如雲競踏青欲問同心何處結枝枝松柏似西冷  
釵光鈿影自成行羅綺風來撲地香行到小紅叢綠處幾回驚起野鴛鴦  
空餘廟貌古城東酒道征蠻舊日功四面花園千翠繞相看真似蕊珠宮  
聊將彩筆賦春詞那有春蠶未斷絲却把風情今較昔衆香國裡住多時

避亂上林鎮墟山洞題石

清拔貢 武緣 韋豐年 劍城

落拓山巖裏非家亦是家圖書分枕簟雞犬共烟霞伴我雲常駐依人鳥不譁憑闌增感慨世界竟如麻  
儵然人世外高臥白雲中傲骨爭崖石生涯老蠹蟲浮塵驚幻夢古洞足清風漫道成閒散吾儒本固窮

張南崧先生崇祀鄉賢志慶

韋豐華

大明佳氣鬱東峯崛起賢豪早奮庸綺歲好修箴畫虎巍科聯捷志從龍部官奏績卿雲爛公之奏疏皆切中時弊直省持衡  
化雨濃經濟文章叨睿賞直臣朝右仰南崧仁宗朝公嘗上正人心疏帝嘉其直

續武祖考守青箱一介期爭日月光已志竟成兄及弟公與其兄鵬超皆英年科第人言不問國如鄉心傳東魯源尋遠理學西

銘緒衍長高足龍川曾俎豆公門下灌陽陸琢之先公十年從祀先生得弗與馨香

思陽從祀首岑吳府學宮所祀鄉賢爲明岑公瑛吳公廷憲鼎立成三李白夫繼起編修皆立學謂靈溪先生追踪檢討又純儒公曾授職檢討上丁與享

非無故先子居歆幸不孤先君綱齋壬辰年入祀本邑鄉賢祠登弔九鵝峯左右災荒也有聖人徒

愈旨遙宣到上林煌煌天語衆同欽台山賀水皆生色狔叟孺童並遂心公奏革採買塘夫二弊偏郡皆蒙其惠移孝作忠真品貴錄

賢褒德帝恩深奉祠此後非虛位上林鄉賢祠向來未有專主

謹案說誤上林鄉賢向來即有韋厥韋旻二人曠曲虔修始自今

### 梓里寇氛甚熾避居上林山中作

清貢生武緣覃鴻翥羽儀

薛荔簾垂透綠陰洞門深隱晝沉沉榻依崖壁雲同臥詩課兒童烏和吟身外榮華歸鹿夢胸中眊耗寄烟岑自憐萍梗颺零客只與青山話此心

### 山中避亂卽景

清貢生縣人李如夔韶甫

登臨遠覽濶心胸對面低環數百峯近郭鷄鳴聲隱約長空雁序影從容菊穿籬眼迎風舞楓醉山腰帶露濃處

上林縣志卷之十五

一四

廣州市龍藏街西雅印

處秋催事農亟還期及早息狼烽

### 丙戌秋杪自京都抵里門

清拔貢縣人周昌岐小賡

柴扉遙望自逡巡入耳鄉音自可親萬里夢魂驚始定全家童稚認來真海天雲水纔開眼燕市風塵尙滿身堪笑差強蘇季子到門猶見下機人

怡顏好自盼庭柯悵望君門可奈何身外浮名原畫餅眼前情事轉如梭雨絲風片南來雁翠幃金車北地駝爲報賣漿屠狗輩無庸感慨更悲歌

### 觀世感懷

清諸生縣人黃紹幹直卿

世變如棋局何須問短長古風堪慨慕近事漫思量巧用千般計偏懷十足傷虧心欺暗室醜熊露當場草竟甘同腐花難恃久香傳賢誰繼舜伐暴異成湯圖治慚三代攘夷之一匡道真嗟日下時每痛秋涼幾覺危難挽奚云患不妨得權爭得鹿如沸又如蟬臭任遺千古良都喪五常心誰虛似竹手俱辣如薑土罕敦名節民多味紀綱薰心惟利欲失意獨徬徨碩鼠爭吞粟鴻嗷歎絕糧吏全犇寶窖官孰坐琴堂浪說新書籍力排舊筆牀威聲傳顯赫意氣自軒昂隨在凌人弱無非恃我強金誇藏滿篋粟侈積盈倉銅臭亦何碍膏腴恒不忘清輪三徑菊



爭光惟是胸懷玉無慚質鍊鋼謗遭仍兀兀靜養勿忙忙倘逢殷廬顧終發蘊積藏桂香欣遠播葵悃樂輸將志  
懷文正心常慕子方救時宏抱負平土息懷襄鋤去苗中莠颺出米內糠茂叔蓮素白彭澤菊猶黃最惡顏之厚  
何堪掌也軼待清留釣鯉致富薄割羊仁自無庸佞柔還是濟剛非狂應是狷有斐乃成章獨願希賢聖誰堪共  
頡頏緬懷千載上多士賦思皇

登白鑿山

清諸生  
縣人韋國勳 山隆

尋幽登白鑿極目曠無邊水遠明如鏡村孤小似拳落霞封晚岫斜照入遙天路占人聲寂惟聞斷續蟬

大明山

清舉人縣人李毓杰 澄川  
縣長永淳

積巘千重接太空西南柱石首稱雄界分桂嶺秦封遠秦之桂林郡至此山止踰山則爲象郡界江繞牂牁漢使通旭日晃籠澄水碧澄江發源

此山澄江旭日  
縣八景之一靈光高燭斗星紅記曾挈眷幽棲處忝作名山舊主翁民國紀元余構舍其上  
挈尹姬住此幾年

石篷巖

巖在巷賢上圍距萬嘉墟約三里從平地突起洞穴玲瓏形如  
船篷故名民國十八年余刻石篷巖三大字于上因紀之以詩

李毓杰

奇峰擢秀似篷桅大壑深藏護蘚苔閩苑仙人玉樓閣上林春色小蓬萊嵯峨懸鐘乳犬牙錯洞闢巖腰虎口開赤  
水泔牂流不轉負他舟楫濟川才

上林縣志卷之十五

一五

廣州市龍藏街西雅印

霞客當年紀勝遊桂林巖景讓澄州徐霞客遊記有三里  
諸巖勝于桂林語山開工部千間廈石構元龍白尺樓方石瑩於青玉案巖中  
產方

解流泉曲似白銀鈎若教陸績歸裝壓已逐滄江萬里舟

夕陽雲錦散西東併入巖花映眼紅涼送三秋桂海水暑消六月日南風洞中冷暖人情異石上崎嶇世路同源  
免山名行客問曾將蟲篆學楊雄

過八寨有懷王陽明

李毓杰

昔年曾 適場驛今日親臨鳳化城半陸半朱真道學擒王擒賊本書生南丹戰壘屯柯卯柯卯今誤  
譯爲告卯羅墨安瀾繞剝

丁柯卯剝丁羅墨皆寨  
名羅墨臨紅水渡 試向綠茅詢守卒伏波千載有遺兵今綠茅山內居民操湘黔語者皆當日由南丹衛  
撥戍舊志載公檄守將某派兵戍錄茅文一通

遊石篷巖

近時李惠蘇  
縣人

螺旋載轉曲通幽勝景依稀雁蕩游便欲拂衣天上去祇留清嘯落巖頭  
爲山竟不借邱陵百尺芙蓉拔地生遣興每留騷客蹟洞天惜未載圖經

右計詩一百二十二首

賦

聖駕臨幸翰林院禮成恭賦

謹序

張鵬展

皇帝御極之九年函夏牧寧海外有謚武功既奮文德誕敷乃遵舊典陳上儀二月吉亥臨幸翰林院天藻輝煌廣筵肆設禮隆恩渥道泰時和典至重也誼至美也自乾隆九年高宗純皇帝稽古右文水昭燕翼惟皇上握樞執極敬紹鴻猷汪重熙累洽景運復開甲子純嘏載錫王林盖惟高宗純皇帝稽古右文水昭燕翼惟皇上握樞執極敬紹鴻猷汪汪乎不天之天律真神明之式也臣叨沐聖恩恭逢盛典伏讀御賜天祿儲才清華勸品二額欽聖訓之高深識官方之澄叙金榜騰輝木天增煥謹依御賜扁額八字爲韻拜手稽首而賦曰懿盛朝之顯燦聖德之昭宣協重華於古帝媿復日於中天建皇極以綏猷彬彬郁郁觀人文以成化蕩蕩平平九有共規既禮明而樂備五星同色儼璧合而珠聯敬繹前謨合元符於六十載遵修曠典錫洪聲於億萬年於是詔司儀宣太僕駕蒼龍乘黃屋貳轄重輪飛軫疏轂金根照耀以繽紛翠盖焜煌以疊簇映旭日之瞳瞳擁吉雲之轟轟鐘鼓鏗鉤管絃熠煜蒞瀛洲之勝境五輅徘徊肆蓬島之華筵千官祇肅誌寵光於湛露整班聯而共協令儀歌豈弟子卷阿望黼座而欣賡弗祿爰卜芳辰之吉適當春仲之初青鳥司開挹韶光之綺麗翠華蒞止籠瑞靄以容與增修著作之庭門號金馬宏開典籍之府署名石渠高岡鳳翔秘閣芸儲集福地奧區之數啓金版玉匱之書爲師道之宜崇躬先

盥薦荷聖恩之廣沛人洽歡臚鴻規肇舉泰運重開玉堂巍煥雲漢昭回奏廣樂於鈞天琅璈錦瑟晉衢尊於丹地翠釜金壘舜酒堯羹式宴賦賓賢之樂義文譽詠揮毫騁天縱之才韵分燕國之詩領奎章之載錫製仿漢京之體欣衆妙之兼該主聖臣賢布春旗之盎盎聲金振玉發懿量以恢恢巽命重申燦矣爛矣大文彌耀堂哉皇哉爰乃頌睿藻咨群英書陳東璧地重西清齊歌雅頌共慶昇平排玉笋於仙班擬虞薛而光依霄漢映金蓮之寶炬比嚴徐而歌叶韶謨秩秩斯干近溯劉柯之風雅藹藹列侍遙追房杜之勳名信愷讌之在藻知和樂於食苹星聚奎三同煥烟雲之錦天高尺五欣瞻日月之榮則見榱桷絢采唐榭流霞瓊珉吐豔丹腹紛葩接青雲之糾縵籠紫霧以週遮捧溫旨於前期早汲橋邊之水賁隆儀於此日豫修磚上之花蓮井香融鑪烟未裊芝楣錦濯馨鼓先搗所以棟宇嵌珎琪之色遂令桷杗振杞梓之華宸翰雙題洒墨花於碧落御書八字披金薤於黃麻厘睿念以儲才文翔鸞鶴寄寶箴以造士筆走龍蛇迨夫樂譜延英禮成嘉惠愷澤汪洋天顏溫霽敷讌語之從容覩軒輦於師濟冰銜玉署膺百年一遇之隆鷺序駕班慶千載難逢之際越麗正之成規邁集賢之往制布天章而煥藻喜捧圖書錫斐錦以揚輝榮逾繡幣竊幸文瀾學海經泳涵而教澤無涯宜乎秋實春華樂長養而廉隅益勵臣粵嶺庸材澄江下品近紫霄而久沐寵榮秉白筆面深慙端審旋邀藻鑑指菱泊以分麾敬獻葵忱向楓

宸而製錦傳巨典於桃花島外宛如瑞露之均霑晉非詞於葛葉筵前無異天漿之飫飲自此深嚴清切荷陶甄而學擅三長兼之豫大豐亨慰宵旰而歲登十稔斯莫非視福祿於無疆而爲持靖共以愈凜者矣

謹案此篇已載觀胎堂集且與上林無涉本不應錄因其未段收處有鵬展自叙數語情文斐亾神生秀發而滂沛淨潔猶屬餘事故特編入用備一格俾邑中人士得以藉知當日先生有此典麗喬皇之傑作如嘗鼎鑿爾非泛蔓也

### 右賦一首

### 八景詩附

#### 上林八景

明失名

澄江旭日照城軒古淥浮嵐景色鮮馬浦奔雷聲震地龍潭驟雨浪滔天白雲隱迹山呈錦古洞靈泉水吐烟鑊  
鄒劍光冲斗漢明山仙境彩霞邊

#### 上林八景詩

明失名

溶溶旭日上江干風靜波平露氣寒沐浴光華誰比似水晶盤內走丹丸

澄江旭日

淡描輕抹是耶非一片嵐光掩翠微似有還無遙望合可容深入挹清輝

古淥浮嵐

何處雷轟動碧霄淙淙水勢勝江湖山間竟日晴如雨不獨奔騰暮復朝

馬浦奔雷

#### 上林縣志卷之十五

一七

廣州市龍藏街西雅印

千尺幽潭曲澗中迷離何似暮烟籠由來頃刻甘霖注絕異晴嵐瀉玉虹

龍潭驟雨

洞裡悠悠任嘯歌半藏風月半藤蘿丹砂紫汞無尋處惟有閒雲片片過

白雲隱迹

仙樂驚聞水洞天何人携上最高巔扳崖曲曲尋聲杳知是靈泉太古泉

古洞靈泉

空山夜靜鬱蒼嶢驀見長虹透碧霄利器不甘終泯滅卻舒寶焰燭塵囂

鑊鄒劍光

相看不厭是明山萬仞嵯峨咫尺間聞道仙蹤時隱現幾回乘興欲躋攀

明山仙境

#### 上林八景

明上林知縣保昌馮德讓

疊翠凝光耀九天四時花草自爭妍箇中仙子名盧六留得高名萬古傳

大明仙境

昔年將帥百蠻收寶劍光芒射斗牛剛被行人收拾去鑊鄒名起幾千秋

鑊鄒劍光

日出扶桑萬里明碧天無霧曉雲晴波光影終朝漾好景誰云不可呈

澄江旭日

今古滔滔一派流星移物換幾千秋拖藍曳綠無窮趣漁父西巖自白頭

古淥浮嵐

一派江流勢若龍碧潭雲鎖雨濛濛民田萬頃皆饒裕不用登臨禱太空

龍潭驟雨

江水東流去不回波濤洶湧若奔雷當年渴飲將軍騎踏破青青萬里苔

馬浦奔雷

天地何時鑄此山奇峯七八聳雲間形如筆架安千古多少行人著眼看扶嵐筆架  
矍鑠隣翁肯自癡盤桓山澗許多時耕雲釣月痕猶在千古令人夢寐思

思鄰隱迹

右計詩十七首

## 文錄

### 山左詩續鈔序

張鵬展

德州盧運使雅雨嘗纂國朝山左詩鈔六十卷表鄉獻也梓里之誼也嘉慶庚午余奉命典試因留督學較士餘暇徵十郡二州之著述巨編散帙哀集彙萃後先咸叙高下並收續纂三十二卷觀民風也輶軒之職也蓋自三百五篇齊列於風魯登於頌流徽漸被濡染斯深故漢初傳詩者四家申培始倡於魯轅固繼興於齊即河間毛公先儒並存魯人之說惟韓生燕產而數傳以後則琅邪王吉太山栗豐淄川長孫順東海髮福派沿支分並夫濟河海岱之間山左固詩學之淵源風人之林藪也魏晉以還下迄元明聯轡分塵代有作者入我國朝文字彪炳自荔裳念東西樵漁洋秋谷山薑諸巨公後家誦戶絃繼聲接武於今未艾且夫詩有三義曰志曰承曰持豈惟是掠華敷藻比偶諧聲剽陳綴瑣云爾哉涵詠之興本於性情性情之移積爲風俗風俗之成關乎政治司馬氏曰齊俗寬緩濶達而足智好議論魯俗好儒備於禮儉嗇畏罪遠邪謂有太公周公之遺澤焉三千年來俗成而不變民氣之淳朴士習之端方往往於詩遇之然善與獎相倚泱泱之風間卽於夸斷斷虛文或流於簿故齊音反以驕志魯史每多侈詞古已不免理勢然也夫爲治之道修其教不易其俗齊其政不異其宜然則蒞斯土而膺綏民訓士之責也調劑於張弛寬猛之間斟酌於因革緩急之際采詩宣風或亦少有裨益雖運會遷流格律遞變而比興所托懲勸惟昭廣大廉靜之意興觀羣怨之用其致一也寧得謂吟寫性情流連光景之作不足以通訊諭哉余粗涉吟咏學識拘墟然三載於茲循分思職昕夕兢兢不揣鄙陋輯錄成書於齊魯之士習民風三致意焉且余著籍粵西稽族系前明實自青徙則輶軒之採訪卽以爲梓里之恭敬也可

### 寧都州觀風示

清石城知縣署寧都直隸州縣人周兆熊六謙

照得作人爲雅化之源先崇士習華國貴文章之選首重科名我朝德洽重華治光復旦春秋登進實超邁乎三升科歲按臨迭賓與於兩試固已有賢必舉無美不彰矣寧都一州兩縣敦家絃戶誦之風八卦三台實毓秀鐘靈之地徵河源之浩瀚梅水流清仰文筆之巍峨蓮峯聳翠具此山川之秀益知人物之奇粵稽古先歷生俊哲蕭士贇之篤學能宗李白爲師丁彥誠之循聲曾向獻章問業奪狀元之選學士則忠孝可欽抗丞相之尊介夫

則勁直足法姚江居蒙巖而講學考亭隱篔谷以潛修魏水叔之天才卓越邱維屏之易解淵深瑞金則兩水迴環時懷作者石城之二華拱照代有傳人本署州澤溯濂溪峯依獨秀聯登蕊榜頻蒞花封曾從桂苑量材吏原不俗茲佩梅江印綬官本兼師爰擇於某月日扃門考校合屬觀風爲此諭示寧瑞石貢監生童知悉爾多士下帷皆久發軔有期所望挾策偕來握管聽春蠶之妙卽日命題集試窺斑知文豹之全修詞本乎立誠雷同須避有文始堪行遠風會攸關惟甲乙之親評究詩文之實際學期有用舉一卽可反三士貴通經拔十而欣得五李鄴侯之方圓賦就尙在童年司馬公之溫飽胥忘早占偉器此日之囊錐乍脫覘下筆之千言他時雲路高騫看竿頭之百尺四民稱首備獎賞於衡文寸晷爭長願激揚而賈勇佇獲得人之慶內鏡身修行頒課士之條上儲國用宜凜遵乎至意弗膜視爲具文特示

計文二首

詩錄

遊老君洞

明貢生  
縣人盧佐音 叶和

柱史今何在巖邊水自流風軒來紫氣莫認必騎牛

上林縣志卷之十五

一九

廣州市龍藏街西雅印

有感

清永寧州  
學正縣人張鴻翹 朔庵

植花草怕牛來門長掩隨步開如何雙瓦雀踏我階上苔

客館

張鵬翹

乍歡條已散昨宵夢庭闌耿耿不自得憂憂身事非照見萬古心皎月明寒扉芳草共天遠王孫無處歸

大塘謠

張鴻翹

去了休去到大塘紅蓼洲紅蓼生花不結子綠樸生花毬見毬 賓林問呼抽  
子爲綠樸

送友人回羊城

張鴻翹

天上碧雪擁夕陽地下黃花帶曉霜曉霜楓樹顏色改夕陽古道秋光黯離亭別酒不勝悲獨坐啣杯有所思  
我一生牛馬走天涯何處無知友朋友雖然天下多求若我公能幾何我公爲人多豪放個儻磊落推時望論交  
白首一如初山高水長情有餘與公交遊歷三載精神灑落瞻芝彩文章有價時未逢抱膝長吟漢臥龍暫試半  
刀爲幕客修辭妙有安邦策一心慷慨行已志獨坐危言衆所忌自知難入俗人機投筆匆匆仗劍歸丈夫臨行  
不下淚我心鬱結渾如醉一日得見薄封侯一日不見疑三秋此別爲日知幾許落葉紛飛滿江渚勗哉此行當

自強願君莫負桂花香今年桂花與君別明年桂花待君折折桂何足爲君奇更有探花二月時二月花遍得意看馬蹄三日踏長安半百老兒還在此佳音蚤寄春風耳

### 咏梅

張鴻翹

早見窓前白繁枝午夜開已知春色至又喜玉人來冰肌凌桂魄雪質映蘭杯他日看垂實調羹覘爾才一枝寒綴玉占盡嶺南春物色三冬早韶華隔歲新有松知臭味得雪倍精神不是林和靖孤山肯結鄰

### 中秋客感

張鴻翹

滿眼客天秋懷人獨倚樓可憐一片月分照幾家愁短髮催佳節長歌憶故邱夜來管絃急處處醉金甌

### 永寧除夕步莫明經可甲韻

張鴻翹

歲盡多閒早閉門小窓寥落與誰論莫嫌冰署今宵冷知道寒氈何日溫半百無端侵鬢色輕紅又見入梅痕遙思骨肉辛盤會爆竹聲中共一尊

### 山齋卽事

張鴻翹

茅齋遠接白雲巔坐石談經對遠天紙上功名久閣筆山間風月不須錢一庭好鳥供閒句半枕殘書足懶眠門

上林縣志卷之十五

二〇

廣州市龍藏街西雅印

外由他苔蘚厚且開窓隙放爐煙

### 紙鳶

張鴻翹

紙竹羽毛如此豐居然天外自吟風但聞聲勢人爭仰高上雲霄孰許同未必晴光朝上帝斷難陰雨戲鄰童提撕全籍旁人力漫詡天門路可通

### 客窓卽事

張鴻翹

入山結社喜無官筆耨生涯且自寬千里松楸家遠近十年苜蓿味辛酸雲連樹杪圍天窄泉落峯頭漱日寒贏得讀書供故逸未知何處望長安

### 別羊城陳友

張鴻翹

秋浦鱸肥事遠征西風對酒故人情欲尋舊隱桂巖侶難折新交鷗鳥盟蒟軸夢遙雙鳳闕詩書價重五羊城不堪段嶺分歧處落葉蕭蕭滿客亭

### 秋日喜黃永寧重來留宿學署

張鴻翹

冒雨重迎長者車歡然對面竟何如開樽且共舒懷抱剪燭從新問起居三載情深千尺水異鄉心逐幾行書黃

也快逢知己亂撒金團薄玉壺

### 和友人巖居

張鴻翽

幽棲僊窟半山庭宇天成構出艱四壁深深藏世界一溪曲曲到人間石痕含影月常入洞口無門雲自關莫遣茶煙驚野鶴忘機相狎兩情閒

### 丁卯除夕書曲陸店壁

張鴻翽

崎嶇歷盡見平原又過荒城叩小村旅舍不知迎歲事漫沾濁酒當椒樽獨擁征裘睡欲遲良宵何限繫人思家園歲有辛盤醉正是啣杯笑語時

### 孔顏樂處

清舉人  
縣人張鴻翽恒夫

人生天地內不與萬物同豈無百憂感胡云樂在中簞瓢勿之改豈竟同說空我想聖賢心人欲已淨盡曠然若太虛日星常煥炳非無雷雨時不碍空虛境人患欲不去時與天理爭戰鬪無休息安得心清寧聖賢心無欲天理常流行忽然罹百憂有處憂患理當愁理須喜逆順道與俱心無泰和否俯仰無留慚寬然天地間聖賢樂如是強制安得班克己以復禮學孔在希顏

上林縣志卷之十五

二一

廣州市龍藏街西雅印

### 讀論語

張鴻翽

楚狂尊聖人靈鳳以爲比豈知聖道洪神龍差可擬變化無端倪屈伸常在已龍德無盛衰世運有隆否

### 雜詩

曷爲稱曰儒儒稱不可苟忠信儒所存禮義儒所守今日讀書人實無名則有子雲談天人不愧儒名否予亦心之憂遑責他人厚欲效古儒流畫虎恐成狗  
惟有作文者下筆驚天人仁若心所蘊義如身所親能灑忠臣淚能愴孝子神返躬如否否紙上徒云云鸚鵡作人語無乃非性真

天地生萬物我得名爲人百體若臣僕靈者心之神卓然天地表爰號曰天召衾影苟有愧五官徒具陳螻蟻  
□□□□□□□□

### 陸星使歌

學使名紹琦

張鴻翽

威鳳暫息五嶺巔粵西督學來官賢歲科兩試育多士烟雲一掃開青天錢神失靈奎宿顯茶蓼委靡芹藻鮮人才盛衰視廉恥廉恥有無觀所使賓郡自經兵燹餘儒官落落晨星比今聞比戶讀書聲菁菁者我在中泚爲問

致此誰之功西浙嘉禾陸夫子

### 元旦感懷

張鴻臚

昨夜忽已曙吾生又一年但驚鬚髻改忘却歲時遷酒減仍三斗詩存愧百篇窮居全習慣卽事總欣然

### 元旦和家兄韻

張鴻臚

暖風今日到衡門縱帶餘寒誰復論歲酒後先都耳熱家人笑語總情溫燎殘爆竹臘無影換罷桃符春有痕更喜芳隣敦禮數往來時有古風存

### 慶遠郡齋言別

張友朱

世事寡所諧偶然事祿役所職在庠序幸無簿書責惠彼子衿儔相與永朝夕涼德忝衆師群欣不我戮悠然逾十載鬢髮感霜積豈不思永好愧無効公力多謝知心人養疴反舊籍此邦多時英情爲念故殷知予歸將老暫此挹同芬爲歡殊未央惟念別離辛倦鳥反故巢中道此長分願言勉新德異日慰遠人

### 慶遠印郡伯卓薦書懷

張友朱

上林縣志卷之十五

二二

廣州市龍藏街西雅印

人生各有謀亦咸適其時深感大夫厚曾不棄葑菲剡薦達上臺忘我覆餗危豈弗懷知音欲往恐已非故先山人廬白雲候巖扉深愧當塗恩惆悵衰老期

### 過族弟林逸途中馬蹶

清舉人黃坤正 目菴  
縣人

隔歲不會面家人誼難忘欲晤急星火策蹇路彌長出門日亭午中心疑夕陽老馬識人意頃刻越崇岡弱僕追不及宗黨宛在望險巖幾閱盡坦夷遂弛防須臾竟失足身命爭毫芒到來見兄弟心膽猶驚皇始知危難境多應在尋常

### 久雨

清諸生黃坤正 萬成  
縣人

細雨洒淒清經旬望未晴新花隨露墜宿鳥隱枝鳴春色暮堪惜鬢絲愁更生含情欲誰語聊與素朗盟

### 答友

黃坤正

百載光陰會有涯肯因白首負芳華年來習靜成癡癖每向庭前數落花

### 斑筍

清舉人張淳 簡齋  
縣人

輕雷昨夜響園林斑駁新篁迸土深數點依稀春漠漠幾竿濃淡節森森雨餘難洗湘妃淚月照纔明屈子心松



葉梅花須刮日歲寒不是雪泥侵

### 重至全州學署

前十年家大人  
曾攝是邑學篆

清全州學  
正縣人張

滋 靈雨

趨庭侍杖履曾此奉明訓東齋饒暇日臨池賦新韻重來復幾載壯盛去如瞬相視多故交或已見斑鬢舉目庭前樹含萌當春奮舊植改新芳吾生猶闇汶况多從遊英何以勵後進負薪不克荷俯仰慙中蘊

三世履微階非敢薄朱紫清白慎家傳兢兢守前軌於今遊名邦復愧為貧仕戴恩亦已深詎敢輕儒戲所念捧檄心千里違省視三夜再夢歸耿耿懷無已何時遂投簪一命慎終始

### 義寧觀親作

張滋

清白傳家冷署宜好春隨例到多時齋寒富貴花舒錦官暇賓朋鳥滿枝問字喜親師席近趨庭愧讀父書遲平安二字新封寄差慰鄉閭老母慈

### 悼長男

張滋

試望雲山間杳冥燒琴廢笛寫愁情黃泉三尺魂知否難學延陵葬博羸晨夕相依式八人伯壘友愛劇情親鼓琴頓痛宮絃斷雁柱嘈嘈聽最辛

上林縣志卷之十五

二二三

廣州市龍藏街西雅印

膝下承歡逾六旬趨庭頓少引頭人嘔心留得吟餘草老淚看來字不真細草孤雲黯淡愁荒原肅颯白楊秋懷中幼子纔三月黃土何年認一抔

### 岳武穆墓

清荔浦訓  
導縣人李舒景 軼凡

天驕猶懾撼山威報國精忠賜幟稀北走朝廷終不返南遷社稷已全非哭牌朱鎮心空壯痛飲黃龍願竟違千古含冤三字獄西湖墳上雪霏霏

### 盆山咏

譚龍德

我生竊有好山癖一日無山心若失以心在山山在心終日見山心乃懾三十洞天杳難即名山寸許無人識空中邱壑本天然名山何必騎驢覓即此區區一卷青形分華岳奇已關移來位置書堂均宛向宛委探古昔山中真趣但長領此心已共千山寂非徒此心日在山學山從此獲三益

### 有感

清諸生石龍輝 鳳翹  
縣人

風雨夜來急綿綿百慮牽侵晨倚虛幌雲影過前川

### 夜坐有懷

清拔貢譚 檢 密夫  
縣人

移席綠陰下修軒過雨餘風淒螢火亂月上柳烟踈寂寂夜將半亭亭影自孤不知秋水外吟望意何如

### 北上

李有根

不憚風塵路長驅入遠天一樽堂上酒萬里薊門烟殘雪明江驛斜陽墜客鞭迴憐嶺梅放誰寄一枝先

### 旅館

李有根

旅枕連宵一夢難况逢風雪壓重巒乍聞聲發天光變益助淒清客漏闌前路長愁紅驛滯故園深念紫荊寒萱堂此夜知無寐輾轉唯憂遊子單

### 丹泊繫龍洲

李有根

繫龍洲畔泊輕舟浩月澄江一色秋今夜始知鄉國近梧山歷歷水西頭

### 釣翁圖

清舉人  
縣人章作衡 葱菴

雲水蒼茫一葉舟垂綸老翁思悠悠水深魚肥不上鉤心與鷗鷺相夷猶有時壁上松風起水波不興石齒齒陶然醉臥蘆之碕想見先生將隱矣

### 重陽前一日陰雨偶作

清舉人  
游擊縣人曾 明 遠齋

上林縣志卷之十五

二四

廣州市龍藏街西雅印

登高展遐睎涼天寄幽窅微雨泛長空烟嵐餘遠照歸鴻啼遠鄉懷客傷同調感茲風景殊擬索菊花笑

### 宿嶽麓禪房贈恒和尚

曾 明

邀明登覺境憩足到禪房明月三杯酒蓮燈十笏堂心清蒲笋味身醉水雲鄉惠遠欣留客鐘聲夜未央

### 有感

曾 明

蕭齋靜坐息征塵數載沙場奮此身五夜丹心懷報主滿頭白髮爲思親孤窻剪燭敲新句客館聽鴻憶故人回首關山千萬里扁舟何日問歸津

### 感暑寄魏萊峰李鄴芸

曾 明

四徑苔痕屐不侵閉關長坐滌煩襟山城盛夏兼寒暑邊地烟嵐自古今濁酒稱賢惟獨酌論詩表聖幾同心萍踪客緒難消遣每念禪門紫竹林

### 長沙謁蔡公墓

曾 明

熊湘昔日羅干戈獨守孤城可柰何肉食寡謀膺鐵券運籌無計陷銅駝群奸降敵心先死一老捐生氣不磨馬鬣經過悲往事空餘碑碣覽嵯峨

除夕次湯謙山

曾明

沙場幾度奮微軀十載征霜尙故吾處世初諳攻翰墨傳家未識賦公租黔南指顧頒龍節塞北遙聞寄虎符萬里長風今咫尺運籌深愧學穰苴

雕弓

曾明

鐵胎角面豹筋纏斜插飛魚月半懸憶得老猿曾下淚將軍營外獨控絃

子規

曾明

塵寰誰與喚途迷旅館吟殘月影低回首家山千萬里春風道上子規啼

上南丹州

曾明

天中節近下南丹此道何如蜀道難險氣層巒鐘虎嶺嶺清流瀑布響龍灘

秋蘭詞

清廩生  
縣人張鵬衢 蓄亨

聽我綠綺琴彈茲猗蘭操琴中有何意爲言多離抱美人寄空山廉貞空自好綠葉冒紫莖秋風易以老寄語聽琴人相知君應早

上林縣志卷之十五

二五

廣州市龍藏街西雅印

葉罇

清全州訓  
導縣人譚所修 友蘭

一綫天光散薄霞夕陽隱隱見棲鴉不知積翠能藏日但愛遊絲偶綴花小雨乍侵寒浙瀝暗風纔動影鬢影一枝引我巢林慕穩與鷓鴣度歲華

鳳巢山謁王狀元祠

清永福訓  
導縣人黃溥 濟川

策杖登臨最上頭當年書室儼然留文章聲價能千古祠宇荒涼寄一邱落葉依階寒霧聚鳴蟬隱樹夕陽收看  
看東嶺生新月應有神歸自象州公知象州有惠政入祀名宦

秋草

清象州訓  
導縣人譚條 寒軒

秋草細如髮雨餘情尙殷想當拾翠羽曾解襯羅裙遠道凝寒露高原淡夕曛魂銷向南浦不是悵離群

擬古君子行

張鵬超

慮終愼厥始休咎兆幾先履霜冰漸至弄蜂螫自牽竊履來疑誇拾埃疑顏賢中人且何有彼苦生山顛豺虎不可畀青蠅日以前衆口鑠金石獨立難自全慎哉守跬步望古空涕漣

柑子堂懷古

張鵬超

黃柑千植自何年二百遺株歷幾傳已闢蓬廬開北學應留碩果秀南天當軒溜牘枕榔雨繞檻墻餘薜荔烟讀  
罷罹池殘碣去鵝山寂寂響啼鶻

### 平樂南樓夜坐卽事時奉檄防寇

韋懷瑾

豈真武備屬斯文司鐸聊分靖寇勳星朗只知瞻北極風和且喜對南薰重樓高踞江關險一隊聯成子弟軍細  
數更籌清不寐興懷四野息妖氛

玉漏沉沉夜未央闌干斜倚對秋涼懸空月影籠螺髻激石灘聲近女墻露重漸看燈燄冷風高愁聽雁聲忙潢  
池何事頻相警贏得幽懷抱熱腸

城頭幾度閃朱旗正是同心禦悔時事到難言甘守拙官期盡職敢辭卑驚聞鼓角千聲聚喜遇風雲半壁垂指  
日么麼歸掃蕩捷書夜報上丹墀

### 石南署中感懷

韋懷瑾

半生踪跡半江湖鴻爪何堪問有無燕市雪添雙鬢老楚天風迥一帆孤依來門戶誰知己認到頭顱是故吾夜  
半聞雞空起舞荒齋烟月已模糊

上林縣志卷之十五

二六

廣州市龍藏街西雅印

### 自都中回途中偶成

韋懷瑾

依然踪跡寄烟波野服無心問綺羅盟到鷗鄉忘爾我戰餘蟻陣罷干戈客從夢裡歸家近詩向閒中得句多翹  
首浮雲蒼狗變還期不朽在巖阿

### 都中遊春

韋懷瑾

探花竟日踏芳塵纔到林間又水濱自是遊人心自醉不關春色醉遊人

### 十一月朔日作

李維墉

幽愁無限結心胸荏苒光陰又仲冬偶向遙山凝望眼迷離一片雪霜封

鵲巢久借與鳩居閉戶無聊強著書屈指離家經半載幾翻蝶夢繞庭除

### 北郭歸樵

凌雲八  
景之一

李維墉

郭外林臬樵採多負薪幾隊下山坡愛偕同侶聯肩反笑向斜陽拍手歌漠漠炊烟寒巷起紛紛笠影斷橋過暮  
歸更有歸來暮恐是觀棋爛斧柯

### 老妓

李維墉

久傳妙舞與清歌，荏苒青樓歲月過。  
篋內綺羅今盡敝，門前車馬昔曾多。  
淒涼漫話秋娘事，落寞應呼春夢婆。  
一曲琵琶遷客淚，潯陽江上蹙烟波。

### 下第回至樊城旅次作

李維埏

襄陽騎跡古今留，戰北圖南此地遊。  
夾路烟花掩旅思，滿天風雨動離愁。  
史赫突懷羊祜客，況淒涼似馬周遙。  
望鄉關，登峴首，蒼茫惟見白雲浮。

### 雨夜

清金華知縣人黃金聲 和東

群籟黯將沈，欲眠簷溜滴。  
寒風透疎櫺，孤燈動危壁。  
庭池生暗潮，注射訝鳴鏑。  
更闌不成寐，幽夢攪未寂。  
攬衣起徘徊，開卷索良覲。  
迴薄萬古胸，耿耿抱深戚。  
大地無靜方，人心曷有極。

### 戊寅端午

黃金聲

去家未百里，客思渺天涯。  
蒲酒香隣曲，梅花漾小齋。  
勸兒清課卷，倩友換詩牌。  
忽念高堂宴，憑誰遣好懷。

### 種竹

清舉人石先揚 學齋縣人

種竹垂清蔭，開窓調素琴。  
好將古時意，寫此歲寒心。

上林縣志卷之十五

二七

廣州市龍藏街西雅印

### 夜泊大松

清舉人張元鼎 實甫縣人

日暮孤舟泊大松，萬山層疊白雲封。  
猿啼野戍三更月，雁冷荒村午夜鐘。  
千里歸心鄉夢遠，一星寒火旅眠濃。  
醒來啓戶江頭望，已過前峯第二重。

### 舟次劉公營

張元鼎

暮色蒼蒼古渡頭，劉公營下繫歸舟。  
孤篷月照寒衾夜，兩岸風鳴落葉秋。  
野曠不聞村犬吠，灘高時覺浪花浮。  
明朝放棹昭潭驛，漸看鄉園景物幽。

### 舟過三峯灘

張元鼎

荒涼野戍客心寒，曉發巴江泛渺漫。  
天外三峯森峭壁，雲端一葉下危灘。  
中流浪打橈聲急，極浦風驚帆影單。  
爲語舟人須着意，松林峽口尙巔岏。

### 題李太白醉酒圖

張元鼎

誰人才與謫仙侔，斗酒還消萬古愁。  
却笑侍童癡不識，也偷一醉學風流。

### 題蛺蝶圖

張元鼎

趁意隨風爛漫遊花香深處便淹留寒蟬抱葉咽朝露肯學翩翩公子流

### 贈別

清貢生  
縣人譚所賦 恒存

兩載今言別青山空復情梅香隨馬去鄉思促人行依戀都如舊分離看得輕寒齋時入夢風月一簾清

### 咏美人風箏

清貢生  
縣人梁作舟 玉川

凌空直上最翩躚妙舞回旋得自然一線偶留雲外影幾人曾見月中仙落逢日暮休爲雨去任風高肯化烟寄語瑤臺諸女史碧桃花熟是何年

### 飲友人齋中

梁作舟

林泉此會足清華景物何須定若耶難得酒人招酒客况兼名士對名花晚風白蛺收殘雨新月紅燈透碧紗臨別園亭還記取夢遊重到路莫差

### 聞秋風

梁作舟

臥聽窓前一夜風曉來春色滿庭中涼生縞紵征衣薄味憶莼鱸遠夢通城上笳聲樓外笛陌頭柳色井邊桐遙知千里懷人切空有音書付早鴻

上林縣志卷之十五

二八

廣州市龍藏街西雅印

### 秋雨

梁作舟

涼風入夜雨瀟瀟誰伴幽人共寂寥半壁孤燈山果墮三更殘醉夢魂消平添枕畔蟲聲切更覺天涯雁路遙料得多愁當此際曉來白髮夢飄蕭

### 喜雨

梁作舟

橫風吸得雨滂沱便覺歡聲四野多天亦醉中醒宿酒人如病後失沉疴返魂春色回芳草念故農人覓舊簑果否晚成秋更好已勝六月聽秧歌

### 新柳

梁作舟

漏泄春光孰更先遭逢青眼故依然分明攀折痕猶在已覺纏綿恨欲牽塞北笛應翻舊曲漢南人自惜華年東皇有意相憐愛細雨微風淡淡烟

### 夏日齋中感懷

梁作舟

浪跡年年嘆轉蓬竭來身在萬山中錯非鐵鑄心全負濫比吹竿技未工半枕涼生松榻雨一襟香對竹林風欲醒欲醉渾忘却得失何勞問塞翁

紅葉

梁作舟

風急霜高近晚天  
滿林紅葉鬪新鮮  
時來遠水痕都活  
襯出斜陽色更妍  
古道易生秋土感  
高樓合受美人憐  
願君且把看花眼  
看取將飛未落前

秋水

梁作舟

雨過秋江晚  
江流瑟瑟明  
遠涵烟不起  
靜對月初生  
帶冷蒼葭影  
銜飛白雁聲  
懷人千里外  
不盡溯洄情

盆蘭

梁作舟

不用金錢買  
何須綺石裝  
善人聯臭味  
清露浥芬芳  
葉少當門好  
花開信國香  
誓將劬作佩  
歲晚莫相忘  
美人香是草  
君子德惟馨  
種異來幽谷  
花開向小庭  
與君誰入室  
相對欲忘形  
浴罷披書讀  
離騷一卷經

漁翁

梁作舟

物色何由得  
滄江一釣簑  
眼中無富貴  
身外即風波  
鼓枻衝烟出  
停杯對月歌  
不知塵世樂  
塵世究如何

諸葛武侯

梁作舟

三顧茅廬日  
南陽輟嘯歌  
自從亡主將  
無復舊山河  
天意長如此  
公才欲奈何  
出師遺表在  
讀罷淚滂沱

上林縣志卷之十五

二九

廣州市龍藏街西雅印

漏聲

梁作舟

誰補乾坤漏  
翻從漏得名  
聲來心上滴  
候已氣中更  
歇絕終何代  
推移識此生  
遙知金闕下  
相和珮鏘鳴

機聲

梁作舟

永巷居鄰逼  
機聲軋軋聞  
昨宵鳴絡緯  
何日寄迴文  
人偶停梭憶  
愁妨理緒棼  
予懷空杼軸  
終遜錦繽紛

咏菊

梁作舟

晚節如君少  
風霜傲骨成  
幾人籬畔寄  
長此歲寒盟  
最愛交能淡  
何圖隱得名  
當年彭澤令  
彷彿似平生

笳聲

梁作舟

風外戍旗閒  
笳聲斷續聞  
隱隨寒日淡  
競與陣雲還  
征士初臨塞  
佳人未入關  
祇今湖海客  
吹得鬢毛斑

柝聲

梁作舟

入夜傳荒柝  
巖城特地寒  
每從千里外  
聽到五更寒  
最是風霜苦  
知誰枕席安  
未能成獨醒  
終古一漫漫

砧聲

梁作舟

空際傳遙响  
高城聽幾回  
魂驚征戍苦  
涼入剪刀催  
柳外昏黃月  
梧陰淺碧苔  
可知孤客意  
深夜雨徘徊

冬寒

梁作舟

六出花飛散滿天蕭條庭館不成眠憐他海上看羊者閱歷冰霜十九年  
空留凍骨在人間此日閒居未易閒愧我無端思附熱如何人更倚冰山

冬晴

梁作舟

落拓誰知范叔才一寒至此亦堪哀今朝不用綈袍贈天賜黃棉襖子來

柳花

梁作舟

相約楊花去化萍紛紛聚散落回汀繁華事事隨流水何處逢君眼又青

贈別

清諸生  
縣人陳延輝 光存

送客西郊日易沉無窮情共暮雲深半肩行李山前路一曲驪歌馬上吟把臂又成千里別相思莫負百年心從  
今後會知何日若遇來鴻寄好音

碓聲

清諸生  
縣人吳尙勤 松巖

霜痕滿眼萬山秋碓杵千家起暮愁片石敲殘人似玉征衣搗罷月如鈎丹楓葉落寒催急白帝城高響未休從

上林縣志卷之十五

三〇

廣州市龍藏街西雅印

此閨中何所事剪刀聲裡晚風遮

機聲

吳尙勤

好風吹送過牆頭札札梭聲聽倍幽半幅鴛鴦工織錦一窓絡緯共鳴秋刀碓餘響遲深夜燈火寒光出畫樓迴  
憶少時阿母教重聞機杼不勝愁

西施

周昌歧

姑蘇臺畔雨如麻何處重尋舊館娃香徑紅蘭春意冷吳宮芳草夕陽斜佳人若果能傾國范蠡都應早破家一  
代興亡緣底事不須惆悵浣溪沙

王嬙

周昌歧

邊城繚繞接燕支馬上琵琶漫怨思出使何人飛燕頰和戎無計讓蛾眉會看班氏吟紈扇豈容黃金賂畫師試  
問圖經延壽者至今面目幾人知

黃陵廟

周昌歧

龍馭南巡竟不還龍髯墮落莫能攀蒼梧野濶招魂暗紫竹林深灑淚斑七澤遨遊猶有伴九嶷黯淡更多閒傷



心最是啼雲木格磔鈎輶雨滿山

### 宮怨

周昌歧

嬌嬈愁殺纖腰柳艷冶香生解語花  
莫守長生牛女約負心多是帝皇家  
深院青青草自春落花滿地裊香塵  
東施從古無煩惱翻悔蛾眉慣誤人

### 閨怨

周昌歧

金風乍拂金闈曉塞馬長嘶塞草秋  
萬里碧霄今夜月料應一樣照當頭  
堆門剛掃梨花雪滿砌頻驚梧葉秋  
長夜漫漫更柝轉初更數到五更頭

### 蛺蝶

周昌歧

風光何地不風流滿眼無花莫用愁  
好向唐宮深處去翩翩飛上美人頭  
妙想蒙莊已入神浮生非幻亦非真  
邯鄲一覺黃梁熟今古都爲夢裡人

### 墨梅

周昌歧

老幹鎔生鐵凌空整復斜獨憐凡卉盡  
不見雪中花

上林縣志卷之十五

二二

廣州市龍藏街西雅印

### 爲梁初舫作金蘭時余朝考被黜

周昌歧

同是來香國風流最可人無端落藩溷  
空負帝城春寂寞嗟搖落空山竟不春  
形容枯槁甚淚自洒靈均風雨無情  
甚芳心屈不開可憐成小草誰爲賦  
南陔墜落何人賞孤芳品自高只應  
老名士縱酒讀離騷

### 爲李叶蘭作蘭石

周昌歧

風雨任摧殘託根終得地寄語澤畔人  
莫灑孤臣淚我欲植中庭人偏忌當戶  
何以獨凌空根株免著土

### 墨蘭

周昌歧

蘭秀而文石怪而醜風雨空山自相師友

### 又

周昌歧

不受栽培不染塵憑空花葉自成春  
香風髣髴難尋覓愁殺行吟澤畔人

### 班婕妤

清縣舉人李宏杰  
月坡

寂寂長門望履綦昭陽歌吹露濃時  
世無司馬工詞賦紈扇秋風敢恨誰

### 唐太宗

清廩生縣人李冠林  
午亭

無須致治羨貞觀戕斧誰云罪可寬巢刺好速楊葉暖更衣入侍李花寒宮人刦父心何險帝女和番理未安堪  
歎一朝開創主建功容易盡倫難

### 陳平

解得重圍計豈奇忍心作俑給闕氏王嬙他日胡中死此禍都緣曲逆貽

### 早梅

天荒地老勢難支百萬叢中現本姿多少朱門寒夢裡不知春氣到山陲

### 爲友人作梅並題

寒冬仗爾補天功芳信先他廿四風百卉倘諳霜雪性暮春應少葬花翁

### 題三枝梅及兩根向背梅

箇中風味本清華連理生香自一家料得詩人解領取何須並蒂咏蓮花

香從山後遞山前連理纏綿訂百年爲有師雄傳逸事此生永結美人緣

### 癸卯書懷

清廩生  
縣人李祺貴 松石

五十年華瞬已過前途事業竟如何春風門館栽桃李秋雨池塘聽芰荷壯志悔磨維翰硯雄心欲挽魯陽戈  
山此日猶岑寂把酒臨風發浩歌

幾經大陸變風雲草澤英雄競策勳戎馬縱教開赤運詩書畢竟鑄黃魂冰霜海上憐蘇武風雨磯邊甲允文濁

酒一樽書一卷一聲長嘯送斜曛

青萍看罷手披蒲笑煞當年莽大夫暖逐東風羣卉豔寒侵朔雪一松孤熱腸那敢忘斯世傲骨偏教誤故吾欲

學癡頑長樂老環山終恐困韓盧

蕭蕭兩鬢已華巔回首前塵一夢然庶彙榮枯隨歲月人生甘苦總雲烟但餘軀壳留塵世休把心肝誤福田一

息尙存須努力春蘭秋菊並宜仙

### 久雨

丙寅春月

李祺貴

九十春將老曾無十日晴千山迷海色萬壑湧濤聲晝暗疑長夜雷轟澈曉更何時升旭日四野放光明  
一陽經已長底事尙重陰夢擾芭蕉響愁添薛荔侵蕭森餘朔氣滴瀝碎春心安得乘時起滂沱作傅霖

### 丁卯有感

李祺貴

塵寰具此百年身，利鎖名韁太累人。萬劫易磨惟物質，千秋不朽祇精神。樓臺瓦礫憐金谷，洛邱墟悵石麟。逐暖桑榆雖美滿，何如松桂各長春。

禍福無門祇自求，惟從心境問休囚。即吉凶也綠醅醞釀終因麴，黃葉飄零豈爲秋。傲雪蒼松無媚骨，掀天白浪有源頭。人生容易駒光過，何事蹉跎悔不休。

### 秋柳

八首錄四

李祺貴

漢宮回首舊依依，無復霜天落葉稀。辛苦春光能漏洩，萬花催趁鬪芳菲。催將春色鎖樓臺，究竟爲何人盡瘁。來惆悵，畫橋飛絮後，深深綠意不曾灰。托根漢苑幾經年，帶露垂條拂御烟。九十韶華今老去，問誰悵悵晚涼天。畫橋金縷憶前塵，轉瞬黃花作替人。燕織鶯梭休抱恨，再垂綠蔭趁來春。

### 送春

李祺貴

慇懃煦物一生心，辛苦鶯花已滿林。絢就千山曾似笑，催將萬樹遍成陰。前途愈覺生機暢，此日無如別意深。瞬到瓜期難再挽，荼靡花下悵分襟。

上林縣志卷之十五

三三

廣州市龍藏街西雅印

再得相逢已一年，三秋情緒倍纏綿。離腸共折長亭柳，轉眼催開曲沼蓮。省識鴻鈞原默運，却憐駒隙迅推遷。叮嚀別後須珍重，切莫歸來在客先。

### 聞雞自警

清貢生  
縣人李世珍命之

澄心觀道認分明，喚起羣迷賴此聲。每見佞神恒致怪，未聞諱死便長生。休因利己忘忠恕，不忍斯人秉至誠。禍福無門惟自召，塞翁得失有何驚。

### 梅

近時  
縣人磨孔仁兼四

春風料峭雨迷濛，柳未垂青杏未紅。羞喜梅花開數點，暗香時透入簾櫳。暗香時透入簾櫳，應是梅開細雨中。閒步巡檐來索笑，笑經年一別又相逢。經年一別又相逢，占得春魁有幾同。堪笑後園桃李樹，爭榮猶自待東風。爭榮猶自待東風，李白桃紅色尙空。得氣先開東閣下，算來還是讓阿儂。算來還是讓阿儂，百卉都皆拜下風。不是東皇恩眷渥，一枝那得冠林中。

### 我如七絕十首

冷處花開踏雪尋羅浮月下影沉沉我如睡覺游仙夢無限情懷一往深

梅

紅艷當春發幾枝爭誇睡足玉環肥我如庾嶺青梅子聘得卿卿帶醉歸

海棠

曲奏猗蘭寄所思空山托跡有誰知我如正則懷香草纫佩隨身採一枝

蘭

卿住天台第幾重俗塵不染到山中我如採藥來劉阮一觸春心興便濃

桃

散步隋堤忽遇卿腰肢善舞眼垂青我如出谷黃鸝鳥也踏高枝喚幾聲

柳

外直中通仰令名緣偕魚水証三生我如有宋濂溪子一樣偏心獨愛卿

蓮

百尺高材世所稀隨風落葉報秋期我如得意求鸞鳳夜半雙棲借一枝

梧桐

一種天香具夙根人間能有幾回聞我如熟煉吳剛斧得傍嫦娥倚綠雲

桂

骨傲嚴霜日向榮香留晚節殿群英我如陶令當重九醉倒籬邊却卿爲

菊

不俗原知有此君高標勁節欲凌雲我如王子無拘束林上閒來日幾巡

竹

## 擬古新婚別

磨孔仁

悠悠我心憂送君去遠游遠游到何處直至海角頭倭奴肆其毒強侵我神州藉口失中村竟動戈與矛蠻橫既

上林縣志卷之十五

三四

廣州市龍藏街西雅印

無比慘酷尤難俸糧米並財物苛斂復窮搜十室有九空城郭將墟邱死者相枕籍性命遜馬牛山川齊變色草木亦生愁所以遼瀋民日與倭爲讎前仆後則繼寧死不甘休警耗迭傳來薄海賦同仇吳粵咸一致外內統兼籌提交國聯會抗議足理由劫奪我國權破碎我金甌草管我人命蹂躪我田疇已違華府議且悖非戰謀衅雖在南滿禍或延西歐危機已四伏諸邦盡出頭勒限彼倭奴卽把寇兵收詎其益狡肆絡繹進輕輜占據龍江地伺隙陷錦州匹夫皆有責誰能再忍羞遂與絕交際通國整貔貅祖鞭爭先着班超筆競投今我亦同去張弓更援枹非我愛艱苦妄冀覓封侯因存救國心故遽作此謀奈與卿成婚甫才暖衾稠眄彼河洲上關關鳴雉鳩羨彼水中魚比目雙泳游我豈性情乖輕易視鴛鴦緣茲時勢惡一髮千鈞秋險象悲投卵中流失舵舟見義倘不赴安用此身留死當爲鬼雄作厲報倭奴生卽返里閨與卿復夫婦夫臨行發此言卿意究何如聆君悲壯語亦怒亦歎歎怒時髮上衝氣欲射斗牛低頭淚如綆頓成鮫人珠令君去從戎爲國效馳驅不惜新婚別惟求大難紓行行休懊惱去去勿躊躇山程勞鐵騎風味棄純鱸君去彌仇敵妾留奉翁姑翁姑還易奉鯨鯢恐難屠奮鬪施身手犧牲拚髮膚死中求活計乃可免淪胥二人天一方家事各分當菽水歡承妾沙場苦戰郎鋒衝憐汗馬牢補懷亡羊漫說閨情苦力圖國勢張分袂飛勞燕馳書繫雁鴻骸忘爾我行止報姑翁免倚門閭望還希寤寐逢

雖非連理樹豈作斷根蓬長白山頭月澄江水而風何時重聚首花月一樽同攝影送君行憑君認阿卿晝夜長  
相伴或可慰離情卜君歸與否視虜平未平虜平應亟歸莫計榮不榮身榮歸固好歡迎洛陽道富貴浮雲似值  
甚驕兄嫂偶困歸亦宜入門妾下機如魚重得水笑煞蘇秦妻記否漢蘇武一去閱時久塞外牧羝歸不見舊時  
婦今妾正青春與君期白首同是新婚別彼此宜堅守地縱北南分情仍膠漆固禦侮須努力慎勿憂中莠手提  
三尺劍殲盡彼羣醜祝君早凱旋飲我手中酒行矣不復言言已罄肺腑一字一珍珠願君長記取

右計詩一百五十八首

## 金石

### 銅鼓

謹案徐縣志北關五顯廟里民墟三聖宮縣東南三教寺舊時俱有銅鼓一面大山墟關帝廟舊有銅鼓二面下無虞鄉一里蓮花寺清平寺二  
里白墟寺演德庵舊俱有銅鼓一面今羅墟古蓬亦各有銅鼓一面考銅鼓爲舊時蠻獠所鑄凡賓宴祭享及召集人衆皆擊之故視之極其尊  
貴廣西在昔本屬蠻方故至今屢獲之於土壤之中或河流之內馬援用以鑄爲馬式後漢書注引裴淵廣州記甚悉自范成大桂海虞衡志有  
伏波所遺一語於是後人遂誤以爲馬援所製且因馬援而附會及於諸葛武侯至謂大者爲伏波鼓小者爲諸葛鼓是真誤中之誤矣徐縣志  
所載各寺廟舊有之銅鼓今雖一無所存然三里城於光緒間在公塘圍又獲一面且聞近年山中之人尙往往有掘得之者故茲列諸本類之  
首而附識數語於左未始不爲考古之一助焉銅鼓純無文字而謝通志乃收之入於金石也得非以其具有種種花紋亦猶金石家不棄石刻  
漢畫之  
例乎

上林縣志卷之十五

三五

廣州市龍藏街西雅印

## 六合堅固大宅頌

澄州無虞縣清泰鄉都萬里六合堅固大宅頌一首詩一篇一並序一嶺南大首領鵝州都雲縣令騎都尉四品

子韋敬辦一製一  
行

全文並年月凡十五行行二十三字至二十六七字不等真書  
徑營造尺一寸二分或六七分文已見前文類故不載

右刻在縣東四十里下白崖堡文通村龍鱗山聖書廟後巖內按韋敬辦向俱誤作敬辦此刻實作敬辦則當  
以原刻爲正其時尚爲都雲縣令後始爲廖州刺史亦曾官象州刺史見鄭獻甫象州志考元和志唐澄州管  
縣四鄉十二九域志宋上林縣三鄉則清泰一鄉固占其中之一今縣境尙有青泰墟在無虞鄉下富三團內  
惟都萬里已不可考由此推尋是今之三里洋渡白墟一帶皆屬往時清泰鄉之區域矣又案太平寰宇記邕  
州所管羈靡州有鵝州唐先天二年置初屬桂州景雲二年改屬邕州領縣七新唐志則作鵝州九域志廣  
南西路右江羈靡鵝州下則云舊本監州太平興國三年改均誤考新唐書地理志江南道諸蠻州有敦州領  
縣六其一爲都雲或譌作孤雲今貴州都勻縣是據此則敬辦所令之縣當卽此地無疑鵝州故名敦州而非  
監州亦無疑惟所隸之道有江南嶺南之不同耳騎都尉漢武帝置晉以後歷代皆有唐採舊名置上騎都尉

騎都尉舊書職官志上騎都尉正五品騎都尉從五品俱勳官開國子則爲正第五品上階之爵敬辦旣以四品子結銜而又不著所封縣邑者蓋其父曾爲刺史爾非其爵也說見隨園隨筆首領卽群蠻渠酋之號乃敬辦所自稱非出朝命者文中辭句不甚可解詩亦澀劣且以綴諸頌後尤屬不典因係唐代作品故過而存之字畫則均照原刻以留古蹟然捶拓者究多不之顧言無文行弗遠於此可証謝通志金石待訪目錄沿輿地紀勝之譌而漫不加考誤列之於象州

### 智城碑

廖州大首領左玉鈐衛金谷府長上左果毅都尉員外置上騎都尉檢校廖州刺史韋敬辦智城碑一首 並序

全文見前  
文類

右刻在縣東四十五里智勇鄉智城山崖上共四十二行每行四十七字首行二十二字末行三十二字真書徑五分小字徑三分群靈之宅下句漏去一字筆勢瘦勁而帶隸體蓋距六朝不遠故猶餘有韻度也此山四面石壁環抱如城中間開展寬廣約十餘里爲韋敬辦與其昆弟同室操戈時據險卒獲勝利創建州廬處考新舊唐書地理志俱有澄州而無廖州此殆武后所改厥後仍復故名而志削不之載耳金石可補史書之闕

觀此益信又考新唐書百官志及地理志左右果毅都尉上府從五品中府下府俱正六品左右領軍掌宮禁宿衛乃天子之親軍武后光宅元年改曰左右玉鈐衛金谷府爲東都河南三十九折衝府之一碑中天地日月星年皆用武后所製之字他如列作烈班作頌古固相通其刺作刺與作与萬作万虎作□珍作琿所作□藁作□爾作尔義作義彌作弥災作灾嶸作嶸此則字雖變而猶與小篆合者也此外當時破體俗書如菱霄邈乱繩敲鸞服□之類指不勝僂然因沿習已久故尙無害於義惟以包爲色樞爲樞□爲牆豐爲爨處爲處□爲寫□爲壺巖爲巖橫爲攢竦爲竦□爲淵□爲紉悉爲悉浹爲沃較爲敷□爲屯條蓀並爲篠窠爲葉嶠爲嶠宄爲宄閑爲闔淺爲淺硤爲落硤爲綿僞爲喬□爲切崗爲岡□爲蝶鬱爲鬱則竟不可以爲訓矣七行八行之下鐫有忘邑二字九行下有棄代二字十一行下有吐堅二字十四行下有麓字十七行下有歌字十九行下有翁字茲諦繹之皆係碑內正文而爲後世庸妄人所綴刻者近年此碑被野火所燔愈加剝脫除舊日原闕之字外首行之毅騎都檢四字均已剝蝕序字則全泐不見次行之赤玄二字只存小半城字已闕三行出塵自冥與者所七字四行數里之四字皆剝蝕過半十字則闕五行攢字微損以化形三字全闕六行嶸字中間裂開一縫林鉢二字僅存其半破字全闕七行忘字中裂成玉之聲四字俱闕翼連蹤管四字均

只存有一半八行邑字中裂天字存半朗氣圃之四字亦然儻飛二字並闕九行之水上一字莫辨棄之二字存半代人或三字俱闕十行性字已裂芳香二字亦俱闕於居二字僅存少許十一行色字下一字爲山字頭下一字並儼字與之作之字皆闕丘茲險奧四字則已完全模糊十二行危字上半處字下半並皆剝蝕十三行千碧二字亦復如是翠微兼映四字俱皆模糊之甚十四行開字近已現有直紋裂痕屯往二字剝蝕不多孤岑二字則剝蝕將去其半如堂扼三字俱闕暴客咽喉澗五字亦極難辨認十五行鈴字半缺柝施二字剝落殆盡十六行危躅安扁四字皆已缺損不完十七行由其字至垂字皆闕不字惟存小半十八行溪阻攢託澄澹六字皆已剝蝕上于天三字俱闕十九行中間裂縫頗寬之極二字各存少許第一無字則闕歸字剝蝕二十行化字中裂宅字剝蝕耀峯翁三字俱闕聲字存半二十一行經字上半不存氣之二字俱闕精字只存少許峯稻二字半蝕補缺二字亦已剝落肱字存半其六二小字均皆漉漫二十三行久字勒字俱存半永字闕此現在碑上闕損之字數也再遲百年吾知存字要必益少故詳記於此庶後之人有所考證云又案通鑑武后萬歲通天二年九月壬辰改元神功是此年九月以前猶屬萬歲通天二年也

### 勝業寺鐵鐘欵識

上林縣志卷之十五

三七

廣州市龍藏街西雅印

大明正統十四年歲次己巳季秋月良日造

正面左行

當山住持僧會海澄

正面右行

廣西柳州府賓州上林縣僧會

司勝業寺背面左行江西永斯匠人洪啓信

背面右行

右在縣南城外縣立第八高小學校內即原日勝業寺故址鐘已損裂口徑二尺五寸凡四行在鐘之兩面真書寬一寸一分或一寸三四分不等字形圓扁最長者爲一寸一分上林良日俱銜接而書幾如合爲一字者以僧會司加諸寺名之上豈衲子猶不能擺脫世情欲藉此爲護法以驕人耶考明史職官志縣僧會司僧會一人

### 千軍鎮刻石

千軍鎮

真書直長二尺八寸四分橫徑二尺五寸二分

欽差整飭兵備副使鄭登高書

大明嘉靖癸卯八月吉日立

二行分列大字左右俱真書徑三寸五分

右刻在縣東北六十里上無虞鄉三里城南滙水橋頭考賓陽現存之右江道題名碑載有鄭登高福建莆田人由進士任副使嘉靖二十一年到任而謝啓昆廣西通志職官表則誤鄭登高作鄭嵩癸卯爲嘉靖之三十年是登高在任爲日最久金石可以補正史志之闕譌於此又得一證

### 戒石亭碑

戒石亭 三字橫列碑之上方  
真書徑二寸五分

公生明 真書徑七  
寸八分

嘉靖三十九年歲次庚申春二月知上林縣事南康郭日貢立 左行  
十三

字右行十一字  
俱真書徑八分

右碑久埋城隍廟土中至同治二年始才發現今已斷為數塊移置於圖書館內

### 三里城石額

欽差兵巡右江道廣西按察使副使陳俊

分守廣西思恩等處地方參將李應祥

督工南丹衛千戶陳

嘉猷 此三行惟欽差二字則在兵巡分守兩者  
中間之上徑八分餘各徑五分俱真書

西安門 三字平列真  
書徑五寸 萬曆六年孟冬吉日 真書徑  
分九

### 李應祥紀功碑

此金雞營也寨賊首穴萬曆己卯冬予部漢土兵二萬掃盪之即劊柳於斯俘馘計二千五百嗣移公堂續前捷擒斬合三千有奇隨振旅善後猗歟無敵之師奉自天討 應祥 敢亡倡率節制耶聊紀之 統督參將李應祥書

凡十行行九字第九行則  
五字真書徑一寸七分

右在縣東九十里公塘鄉金雞嶺路旁應祥破賊於此立石紀功書法道媚應祥二字側寫公堂即今公塘已

上林縣志卷之十五

廣州市龍藏街西雅印

卯為萬曆七年

### 王尙文勒石

征蠻將軍都督寶江王公永寧 行一 叅戎肖泉于君督兵營此岿 行一 大明萬曆八年春正月上浣之一吉旦也

領哨守備孫世寶督勒 一行俱真書徑二寸三分或二寸五分不等領哨  
九字稍徧於左其上留空七寸字徑一寸五分

右刻在縣北一百六十里上林鄉二里古蓬鎮旗山崖壁上向俱譌傳為王守仁所題寶江即王尙文之別字

### 千軍鎮摩崖

千古偉績 真書徑二尺  
八寸四分

副總戎李諱應祥號仁宇荆楚九谿人也偉貌壯猷雅耽儒術初任思恩參將痛寨賊睚

眦荼毒四民即毅然畫策請師蹂平十寨建城署開屯田集畊兵布烽堠關道路柔遠安邊凡猺獞農工商賈各

得懽心通州士夫磨崖勒其豐功茂德永志不忘云 分爲二行諱號  
二字皆側寫

明萬曆庚辰秋吉 此另一行真書一寸  
六分皆在大字之左

署州事

柳州府推官李遠賜進士工部員外郎吳焯 此爲第一第二  
行之第一排 都司李懋元同知譚文達王堯臣同知吳文全長史

譚文光通判吳希望知州容學同 此爲第一第二  
行之第二排

知縣譚文通王寵王价陳廷栻施暉方式呂希齊 此爲第一第二  
行之第三排

主簿宋儲周希旦王嵩馬負圖 此爲第三第四  
行之第一排

教諭平順林鳳陳廷威陳塗吳節廖世嘉 此爲第三第四  
行之第二排

舉人張



正蒙蒙文伯

此爲第三第四行之第三排

貢生吳世彰蒙天祐武舉張正恩生員李懋亨胡養正

此爲第三第四行之第四第五排其都司知縣主簿教諭舉人貢生等字則居

兩行之中徑一寸七分餘皆徑一寸一分俱眞書

萬曆十一年癸未冬月吉日

眞書徑一寸七分

右刻在三里城南一里石崖上其姓名之平列者爲李遠吳焯與李懋元譚文光及王寵譚文通施暉此第一第二行也第二第四行之平列者爲宋儲王嵩爲平順陳塗爲張正蒙蒙文伯爲吳世彰蒙天祐而張正思則又列於吳蒙二人之下正思左右與之平列者則爲生員李懋亨胡養正其前行知縣內之譚文通亦復如是因其居中故王价而接王寵方式而接施暉也主簿與第二行之知縣平格自首至末皆係一連直書而下未嘗空字徐縣志亦載有此第錯譌之甚不足爲據考謝啓昆廣西通志職官選舉二表並楊椿賓州志李遠於萬曆十三年始任柳州推官據此足證是刻固兩次鐫石先摩崖紀錄後乃補題諸人姓名者吳焯賓州人萬曆壬戌進士李懋元無考譚文達嘉靖乙酉賓州舉人官順慶同知王堯臣無考吳文全嘉靖戊午上林舉人亦作賓州人叙州同知譚文光嘉靖辛酉賓州舉人後官永州通判吳希望無考容學周嘉靖壬子賓州舉人安寧知州譚文通亦嘉靖壬子賓州舉人茂名知縣王寵賓州籍融縣人嘉靖丙午舉人隆昌知縣王价嘉靖己酉賓州舉人龍陽知縣陳廷栻賓州人與王价同榜平遠知縣施暉嘉靖壬子舉人惠來知縣方式嘉靖庚

上林縣志卷之十五

三九

廣州市龍藏街西雅印

子舉人常山知縣俱賓州人呂希齊原名興齊萬曆己卯臨桂舉人後官戶部司務宋儲嘉靖間賓州貢生官鄞縣縣丞周希旦隆慶間賓州貢生官溧陽主簿王寵無考馬負圖橫州人後中萬曆十三年舉人平順有序一篇見本篇文類林鳳嘉靖間賓州貢生儀真教諭陳廷威或與陳廷栻同其輩行陳塗無考吳節嘉靖間賓州貢生陽朔教諭廖世嘉無考張正蒙萬曆丙子舉人後官知縣蒙文伯萬曆己卯舉人興山知縣俱賓州人張正思李懋亨當是張正蒙李懋元之昆第吳世彰蒙天祐胡養正邑里雖無可考要不外賓州與上林之人也此刻右首稍高處尙有應祥自紀功績之草書數行以其大小長短不齊且又泐蝕過半故不載

廣西思恩參將府題名記

全文 萬曆壬午陽月朔日之吉

史部左侍郎南海古林何維柏撰

分守廣西思恩等處地方管理參將事

副總兵都指揮同知李應祥立

共二十九行行二十九字眞書徑五分

右碑在三里城舊南門門洞內分爲兩截上刻記文下即歷任參將題名備載各人之字號籍貫直至崇禎年止文中勅命登御廟堂天討帝曰等字俱皆提高一格年號與李應祥之銜名則跳行平格文極荒陋且多不通之句盖明代自隆萬後士子專攻制藝八股於文學一道全不講究亦如清之末造耳全文已載本部文類

此不復贅萬曆壬午上距應祥紀功之歲已二月矣其題名乃先後陸續所鐫者故不錄

李應祥千軍鎮題壁詩

白露橫江岸一行 青霞挂薜一行 蘿勝游今此一行 地疇昔恰一行 如何一行 萬曆壬午冬一行 日楚人仁宇一行 李應祥一行 寸餘至三寸不

右刻在滙水橋頭小石巖內距千軍鎮三大字僅二丈餘字勢極其飛舞

李應祥題字

釣磯草書直徑三寸七分橫徑七寸四分 仁字草書徑一寸七分

右刻在滙水橋石上

李應祥麻鎮詩刻

七律二首李詩並題名十行麻十三行每行字數不等俱草書徑一寸一二分李書畧大

右刻在周安鎮隱巖石壁上此處舊有留題俚句傳為仙人所作李應祥及鎮巡歷至此因各步其韻字雖道媚惟詩則均欠推敲故不錄

上林縣志卷之十五

四〇

廣州市龍藏街西雅印

馬龍世題字

八蠻拱服四字平列真書徑二寸五分 甲午仲夏吉日在大字之左

滇南馬龍世題在大字右並真書俱徑七分

右刻在三里城甲午當係萬曆二十二年惟馬龍世則不可考